

В.ҮРИНОВ
М.СУЛТОНОВ
А.УМАРОВ




ЎЗБЕКИСТОН
РЕСПУБЛИКАСИ ОЛИЙ
ТАЪЛИМ ТАШКИЛОТЛАРИДА
ECTS КРЕДИТ-МОДУЛЬ ТИЗИМИ:
АСОСИЙ ТУШУНЧА ВА ҚОИДАЛАР





**В.ЎРИНОВ,
М.СУЛТОНОВ, А.УМАРОВ**

**ЎЗБЕКИСТОН РЕСПУБЛИКАСИ
ОЛИЙ ТАЪЛИМ ТАШКИЛОТЛАРИДА
ECTS КРЕДИТ-МОДУЛЬ ТИЗИМИ:
АСОСИЙ ТУШУНЧА ВА ҚОИДАЛАР**



УЎК 336.77(575.1)

КБК 65.261.4

Ў 80

Ў 80

Ўринов, В. Султонов, М., Умаров, А.

Ўзбекистон Республикаси олий таълим ташкилотларида ECTS кредит-модуль тизими: асосий тушунча ва қоидалар [Матн] / В.Ўринов, М.Султонов, А.Умаров. – Т.: «Маънавият», 2020. – 96 бет.

ISBN 978-9943-04-404-3

МУАЛЛИФЛАР:

*Воҳид Ўринов (PhD) – Нью Брансвик Университети,
Хуқуқ факультети (Канада);*

*Мансур Султонов (PhD) – Тошкент давлат иқтисодиёт
университети;*

Азизжон Умаров – Кўқон университети.

МАСЪУЛ МУҲАРРИР:

Қ.А.Шарипов – техника фанлари доктори, профессор.

ТАҚРИЗЧИЛАР:

Эшов М.П. – иқтисодиёт фанлари доктори, профессор;

Мустафақулов Ш.И. – иқтисодиёт фанлари доктори, профессор.

«ЭЛ-ЮРТ УМИДИ» ЖАМҒАРМАСИ, РЕСПУВЛИКА ОЛИЙ ТАЪЛИМ
КЕНГАШИ ВА ТОШКЕНТ ДАВЛАТ ИҚТИСОДИЁТ УНИВЕРСИТЕТИ
ҲАМКОРЛИГИДА ТАЙЁРЛАНГАН.

МУНДАРИЖА

Сүз боши 7

1. Таълимнинг кредит-модуль тизими ўзи нима?	10
a) Кредит таълимнинг ўлчов бирлиги.....	10
b) Кредит-модуль тизимида ўқиш юкламаси	11
c) Кредит-модуль тизимида ўқиш натижалари.....	13
d) Кредит-модуль тизимида аудитория ва мустақил соатлар	14
e) Кредит ва модуль тушунчалари таърифи	17
2. Кредит-модуль тизими қандай тамойиллар асосида қурилган?.....	18
a) Талабага йўналтирилган таълимни ташкил этиш	18
b) Таълимда шаффоффликка эришиш	21
c) Таълимда мослашувчанликни кучайтириш	22
d) Талабалар мобиллигини кучайтириш	23
3. Кредит-модуль тизими қандай эҳтиёжлар асосида пайдо бўлган?....	23
a) Кредит-модуль тизимининг илк тарихи.....	23
b) Кредит-модуль тизимининг яқин тарихи – ECTS	26
c) Кредит-модуль тизими тарихидан сабоқлар	29
4. Кредит-модуль тизими мамлакат олий таълим тизимига нималарни беради?	29
a) ОТТларда талабалар ўқиш юкламасининг мувозанатли тақсимоти ..	30
b) ОТТ ўкув дастурларига танлов фанлари кириб келиши.....	31
c) ОТТлар ўкув дастурларида фанларнинг сараланиши.....	33
d) ОТТ ўкув дастурларига шаффоффлик олиб кириш	36
e) ОТТларда ўкув машгулотларни шаффофф тарзда ташкил этиш	38
5. Кредит-модуль тизимида ўкув дастурлари қандай яратилади?.....	39
a) Ўкув дастури профили ва ўқиш натижаларини ишлаб чиқиш	39
b) Кредитларни модуллар бўйича тақсимлаш қоидалари	42

c) Танлов фанлари	46
d) Прогрессия қоидалари	51
e) Фан дастури	53
f) Маълумотларни талабаларга етказиш	56
g) Академик маслаҳатчи	59
6. Кредит-модуль тизимида талабалар қандай баҳоланади?	60
a) Баҳолаш бўйича асосий қоидалар	60
2009 йилгача бўлган даврдаги баҳолаш тизими қоидалари	62
Амалдаги (2009 йилдан кейинги) баҳолаш тизими қоидалари	65
Баҳолар конвертацияси	68
b) Баҳоларнинг ўртача қиймати (GPA) ва уни ҳисоблаш	71
c) Талабаларни баҳолаш бўйича дастлабки тавсиялар	75
7. Кредит-модуль тизимида имтиҳонлар	76
a) Талаба семестр ёки ўқув йилида етарли кредитларни тўплай олмаганилиги	76
b) Талаба бир фанни бир мартадан ортиқ олиши	79
c) Имтиҳонлар бўйича қўшимча қоидалар	79
d) Имтиҳон ўтказиш тартиблари	80
8. Кредит-модуль тизимида талабаларга хизмат кўрсатиш – «Registrar office»	80
9. Кредит-модуль тизимига ўтишга тааллуқли айрим масалалар	86
d) Кредит-модуль тизимида ОТТлар академик эркинлиги	86
e) Кредит-модуль тизимида профессор-ўқитувчиларнинг ўқув юкламалари	89
10. Хулоса	90
11. Тавсиялар	91
12. Фойдаланилган адабиётлар	94

Ушбу қўлланмани Фарғона вилояти,
Ўзбекистон тумани, Ўрта қишлоқда яшовчи
онамиз Мавсумахон Комилова ва отамиз
Валижон Комиловга бағишлаймиз.

Бу инсонлар бутун умрлари давомида
бирлари мактабгача тарбия муассасаси ходими,
иккинчилари эса мактаб ўқитувчisi ва кейинчалик
ошпаз сифатида фаолият юритиб, биз
фарзандларига ҳар доим бошқа инсонларга
ёрдам қилишни ўргатиб келишган.

Шунинг учун, агар ушбу қўлланманинг сизга
биroz бўлса-да фойдаси тегса, шу инсонлар
ҳаққига бир дуо қилиб қўйишларингизнинг ўзи
кифоя. Агар қўлланма ва ундаги фикрлар сизга
мөъкул бўлмаса, унда ўзимизни койиб қўяверасиз.

Ва ниҳоят, ушбу қўлланманинг юзага кетишига бекиёс ҳисса қўшган Ўзбекистон Республикаси Олий Таълим Кенгаши раиси профессор Ўқтам Умурзаков, «Эл-юрт умиди» жамгараси ижрочи директори профессор Аҳмад Бекмурадов, Тошкент Давлат Иқтисодиёт Университети ректори, профессор Конгратбой Шарипов ва ватандoshimiz Аробиддин Тўрага ўз миннатдорчилигимизни билдириш қоламиз. Аслида уларнинг берган гоя ва қўллаб-қувватлашларисиз биз бу қўлланмани ёзмаган, сиз эса уни ўқимаётган бўлар эдингиз.





СҮЗ БОШИ

Буюк аллома, башарият фарзанди Жалолиддин Румий: «Минг йил ўқисаму, мендан «нимани билдинг», деб сүрасалар, «хаддимни билдим» дейман деган экан.

Шундай экан ҳозирги авлод ўқиб ўрганиши, билмаганларини сўраб, билганларини эса, келажак авлодга етказиши учун масъул хисобланади. Доно халкимиз топиб айтганидек, «ilm ўрганиш бамисоли игна билан қудук казиш каби машакқатлидир». Ушбу машакқатларни сабр билан ва тинмай меҳнат килиш билан енгган инсон камолатга эришади. Машхур ихтирочи Томас Эдисон «Даҳолик – бу бир фоиз иктидор ва тўқсон тўққиз фоиз тер тўкишdir» деган эди.

Дарҳакиқат бугун барча зиёли ўқитувчилар зиммаларига юклangan шарафли вазифани юкори илмий-интеллектуал даражада адо этишлари, талаба-ёшларнинг қалбидан, онғу-шууридан жой олган холда профессионал даражада ўқув машгулотларини олиб боришлиари талаб этилади. Бунинг учун халқаро даражада тан олинган усул ва воситалардан ҳам хабардор бўлишлари, илғор тажрибалардан максимал даражада ўз меҳнат фаoliyatларида фойдаланишлари мақсадга мувофиқ хисобланади. Келинг, ушбу ўринда юкорида таъкидланган илғор тажрибаларни кай даражада билишимизни аниклаш учун бир қанча саволларга жавоб излаб кўрайлик.

Талаба олий таълим ташкилотига (OTT) ўқишига кирганидан сўнг у ерда айнан кайси фанларни ўрганишни қисман бўлса-да ўзи танлаши мумкинлигини ҳеч тасаввур қилганимисиз? Ёки ҳар бир ўқитувчи семестр бошида талabalарга ўз фани бўйича ёзма

дастур «syllabus» тақдим этиб, унда ушбу фан нималар ҳақида эканлиги, унинг талабанинг мутахассис бўлиб шаклланишидаги аҳамияти, семестр давомида ўрганиладиган мавзулар рўйхати, талабалар фойдаланадиган адабиётлар рўйхати, баҳолаш мезонлари ҳақида батафсил тушунтириб, шундан кейингина дарслари бошлашини-чи?

Нихоят, ОТТларда бакалавр ёки магистратура дастури бўйича каталоглар (китобчалар) ишлаб чиқиши ва унда шаффофф тарзда талабалар ўқишлари давомида қайси фанларни ўрганиши мумкинлиги, ушбу фанларни кимлар ўқитиши, дастур давомида қандай билим, кўникма ва маҳоратларга эга бўлиши ҳақида батафсил маълумот бериб, шундан сўнг ўкув йили бошлашини-чи? Бу хусусиятлар Ўзбекистон Республикаси олий таълим тизимиға ҳам астасекинлик билан кириб келмоқда ва бу тизимнинг номи таълимнинг «кредит-модуль» тизими деб аталади.

Ўзбекистон Республикаси Президентнинг 2019 йил 8 октябрдағи фармони билан тасдиқланган «Ўзбекистон Республикаси олий таълим тизими 2030 йилгача ривожлантириш концепцияси»га кўра мамлакатдаги ОТТларнинг 85 foизи 2030 йилгача босқичмабосқич кредит-модуль тизимиға ўтиши режалаштирилган.¹ Бу яқин йиллар давомида мамлакатдаги деярли барча ОТТлар кредит-модуль тизимида фаолият юрита бошлашидан дарак беради.

Масалан, келаётгани 2020–2021 ўкув йилининг ўзида мамлакатдаги 33 дан ортиқ йирик ОТТлар кредит-модуль тизимиға ўтиши кутилмоқда.² Мазкур ОТТ ларда асосан ECTS кредит-модуль тизиминиг жорий этилиши кўзда тутилган.³ Янги тизим даставвал

¹ Ўзбекистон Республикаси Президентининг 2019 йил 8 октябрдаги ПФ-5847-сон билан тасдиқланган «Ўзбекистон Республикаси олий таълим тизими 2030 йилгача ривожлантириш концепцияси», 1-иловаси, 9-банди.

² Ўзбекистон Республикаси Олий ва ўрта маҳсус таълим вазирининг 2020 йил 30 июнданги 357-сонли бўйруғи, 1-иловаси.

³ 2015 European Credit Transfer and Accumulation System (ECTS) User's Guide, a Joint Project by the European Higher Education Area, the Bologna Process and European Commission in 2015. Европа кредитларни кўчириш ва жамғариб бориши тизими бўйича фойдаланувчига кўлланма (ECTS).

1-курс, кейинчалик барча курслар ўқув дастурларида жорий этилиши режалаштирилгай.

Хўш, таълимиинг кредит-модуль тизими ўзи нима? У қандай ишлайди? Кредит-модуль тизими қандай шароит ва эҳтиёжлар асосида пайдо бўлган? Ушбу тизим бизга нималарни беради? Унинг амалдаги таълимни бошқариш тизимидан афзалликлари нима? Кредит-модуль тизимида ўқув дастурлари қандай яратилади? Кредит-модуль тизимига ўкиш учун яна қандай ишларни амалга ошириш керак? Қуйида ушбу саволларга кисқача жавоб беришга ҳаракат қиласиз.

Яна шуин таъкидлаш керакки, бу материал кредит-модуль тизими бўйича туғиладиган барча саволларингизга жавоб бермаслиги мумкин, лекин унда асосий концептуал саволларга жавоб топишингиз мумкин. Қолган саволлар жавобини эса кейинги таҳлилий материалларимизга қолдирамиз.

Ушбу қўлланма қисман бўлса-да, 2020 йил 12 июль куни «Эл-юрт умиди» жамғармаси ва Республика Олий Таълим Кенгаши билан ҳамкорликда амалга оширилган видеотақдимот тафсилотлари ва қўшимча изланишларга асослаиган ҳолда тайёрланган. Видеотақдимотни қўйидаги youtube саҳифаси орқали кўришингиз мумкин: <https://www.youtube.com/watch?v=2Ps84uPFxbA>

Қўлланманинг айрим қисмлари kun.uz саҳифасида мақола сифатида ҳам чоп этилган. Мақола билан қўйидаги интернет саҳифаси орқали танишишингиз мумкин: <https://kun.uz/news/2020/07/22/oliy-talimda-kredit-modul-kelayotgan-oquv-yilida-talabalarni-nimalar-kutmoqda>.




1. ТАЪЛИМНИНГ КРЕДИТ-МОДУЛЬ ТИЗИМИ ЎЗИ НИМА?

А) КРЕДИТ ТАЪЛИМНИНГ ЎЛЧОВ БИРЛИГИ

Маълумки, ҳаётда кўп нарсаларнинг ўлчов бирлиги мавжуд. Масалан, вакт ўлчов бирлиги – секунд, узунлик ўлчови – метр, оғирлик – кило, суюклиқ – литр, электр кучланиш ўлчови – ампер. Шунда бир савол туғилади: таълимнинг, хусусан олий таълимнинг ҳам ўлчов бирлиги борми? Айтишингиз мумкин, ҳа олий таълимнинг ўлчов бирликлари бу бакалавр, магистратура ва докторантурда деб. Лекин булар таълимнинг ўлчов бирликлари эмас, балки унинг босқичлари ҳисобланади. Афсуски, ҳозирда мамлакатимизда олий таълимнинг талабалар прогрессини, уларнинг мутахассис сифатида шаклланишини мунтазам равишда баҳолаб борувчи ҳамма учун тушунарли бўлган ўлчов бирлиги мавжуд эмас.

Кредит-модуль тизими, аввало, мамлакатимиз олий таълим тизимига таълимнинг амалдагидан кўра анча мукаммал, замонавий, лекин ҳамма учун тушунарли бўлган ўлчов бирлигини олиб киради. Унга кўра, ОТТ ўкув дастурлари муайян ўқиш иатижаларини кўзловчи турли фан ва модулларга бўлинади. Ҳар бир фан ёки модуль эса ундаги ўқинш юклamasи микдорига караб муайян микдордаги кредитларда акс этади. Масалан, ҳар бир фан ўртача 5, 6 ёки 7.5 кредитларда акс этиши мумкин. Талаба эса ҳар семестр, ўкув йилида муайян микдорда кредитлар тўплаб бориши ва тегишли микдордаги кредитларни тўплагандан сўнг унга бакалавр ёки магистратура даражаси берилиши белгиланади.



ECTS кредит-модуль тизимида бир йиллик кредитлар миқдори 60 тани ташкил этади. Бир ўкув йили 2 семестрдан иборат эканлиги-ни хисобга олсак, талаба ўчиши давомида хар семестрда 30 кредит тўплаб бориши зарур. Бакалавр дастури одатда 4 йил эканлигини хисобга олсак, талаба ушбу даражани қўлга киритиш учун жами 240 кредит, магистратура дастурини тугаллаш учун эса 120 кредит тўплаши керак.

Кредитлар шунчаки ракамлар эмас. Ҳар бир кредит талаба бажариши керак бўлган маълум миқдордаги ўқиш юкламасини ва талаба бунинг натижасида муайян ўқиш натижаларига эришганлигини билдиради. Яъни, ECTS кредит-модуль тизими таркиби икки зарур элементдан иборат:

а) ўқиш юкламалари ва б) ўқиш натижалари. Талаба шу элементларни бажаргаидагина ўша фан бўйича белгиланган миқдордаги кредитларни қўлга киритиши мумкин.

В) КРЕДИТ-МОДУЛЬ ТИЗИМИДА ЎҚИШ ЮКЛАМАСИ

ECTS кредит-модуль тизимида 1 кредит ўртача 25–30 академик соатлик ўқиш юкламасига teng. Яъни талаба муайян фандан тегишли кредитларни қўлга киритиши учун маълум миқдордаги



**25-30 соат
Ўқиши юкламаси**


ўқиши юкламасини («learning workloads») бажариши зарур. **Ўқиши юкламаси бу талаба муайян ўқиши натижаларига эришишига қаратилган барча тизимли ўқиши машилари ва ҳаракатларини бажариши учун зарур вақтдир.**

Бу дегани юқорида 1 кредит учун белгиланган 25–30 соатлик ўқиши юкламаси бу талаба фанни ўргаиш учун сарфлаши кўзда тутилаётган жами ўқиши ҳаракатлар жамланмасидир. Унга нафақат дарс вақти, балки талабанинг фани ўрганиш учун уйда ва кутубхонада сарфлагай вақти, имтиҳонлар вақти, қўйингки, талаба ушбу фанни ўзлаштириш учун барча тизимли ҳаракатлари вақтини қамраб олади. 1 кредит ўқиши юкламаси 25–30 соат оралиғида айнан неча соат бўлишини одатда ҳар бир ОТТ ўзининг ички қоидаларида белгилайди ва бу қоидалар ОТТ веб саҳифасида шаффоф тарзда жойлаштирилади.

Агар фан 6 кредитли фан бўлса, талаба ушбу фан бўйича белгиланган миқдордаги кредитларни кўлга киритиш учун семестр давомида 150–180 соатлик ўқиши юкламасини бажариши керак бўлади ($25*6=150$; $30*6=180$). Шундай экан кредит-модуль тизимини жорий этган ОТТларда талабалар ҳар бир фан учун белгиланган кредитлар миқдорига қараб туриб, ўқишилари ҳали бошланмасиданоқ ҳар бир фанни ўқиши ва ўрганишга қанча вақт сарфлашлари кераклиги ҳақида тушунчага эга бўлишлари мумкин. Бу ҳам таълимда шаффофликнинг бир кўринишиидир. Амалдаги олий таълим тизимида эса талабалар одатда бундай маълумотга эга бўлмайди.


С) КРЕДИТ-МОДУЛЬ ТИЗИМИДА ЎҚИШ НАТИЖАЛАРИ

ECTS кредит-модуль тизимида талаба фанлар ва модуллар бўйича кредитларни қўлга киритиши учун ўқиш юкламаларини бажаришнинг ўзи кифоя килмайди. У тегишли миқдордаги ўқиш юкламаларини бажаргандан сўиг улар асосида муайян ўқиш натижаларини ҳам кўрсата олиши зарур. **Ўқиши натижалари бу талаба ўкув юкламаларини бажарши натижасида ўрганиши, тушуниши ва қила олиши кутилаётган билим ва кўникма жамланмасидир.**



ECTS кредит-модуль тизимида хар бир ўкув дастури (бакалавр, магистратура), фан ёки модуль ўзининг ўқиш натижалари олдиндан аниқ белгилаб олиниши ва ушбу ўқиш натижалари рўйхати талабаларга олдиндан тақдим этилиши зарур. Шунда талабалар муайян ўкув дастури ёки ундаги муайян фанни ўрганиш унга мутахассис сифатида нималар бера олиши ҳақида олдиндан тушунчага эга бўлган ҳолда ўқишни бошлайди. Шунда ўқиш натижалари ҳақида олдиндан маълумотга эга бўлган талаба ҳам, ўқитувчи ҳам дастур ёки семестр давомида барча имкониятларини шу натижаларга эришишга қаратади.

Дастур ёки фан ўқиш натижалари қўйидаги асосий саволга жавоб бера олиши керак: **талаба дастурни ёки ундаги муайян фанни тамомлагандан сўнг унда ўргангандан билимлари асосида нималар қила олади ёки қила олиши керак?** Ушбу саволдан кузатганингиздек, ўқиш натижалари бу талаба дастур ёки ундаги муайян



фан давомида қўлга киритган билимлар рўйхатидан иборат эмас, аксинча, унда талаба ўша билимлар асосида нималар кила олиши кўрсатилиши зарур. ECTS кредит-модуль тизимидағи бу талаб олий таълимга амалий, pragmatik ёндашувни шакллантиради.

Ўкиш натижаларини олдиндан белгилаб олишнинг яна бир мухим жиҳати шундаки у ўқув дастурини мутахассислик учун тааллукли бўлмаган, аҳамиятсиз фанлар ва модуллардан тозалаб борувчи фильтр вазифасини хам ўтайди. Агар фан ва модулда эришилиши кутилаётган ўкиш натижалари талабанинг мутахассис бўлиб етишиши учун аҳамияти бўлмаса ва шунга хизмат килмаса, ушбу фан ўқув дастурини тарқ этишига тўғри келади.

D) КРЕДИТ-МОДУЛЬ ТИЗИМИДА АУДИТОРИЯ ВА МУСТАҚИЛ СОАТЛАР

Талаба ва ўқитувчиларда ушбу умумий ўкиш юкламасининг айнан канча кисми дарс, аудитория соатларига тўғри келади, деган савол туғилиши мумкин. ECTS кредит-модуль коидалари бу масала бўйича аник талаб ёки чегара белгиламаган. Бунга кўп сабабларни келтириш мумкин. Масалан, таълим жараёнлари ёки модуль хар

доим ҳам ўз таркиби аудитория соатларини камраб олавермайди. Бунга мисол қилиб ўқув дастуридаги битирув амалиёти, диплом иши ва шу каби ўқиш элементлари ва модулларни келтиришимиз мумкин. Кўриб турганингиздек, бундай ўқиш элементларида аудитория соатлари бўлмайди.

Лекин ECTS кредит-модуль тизимида фаолият юритадиган университетлар амалиётини таҳлил қилганимизда, уларнинг аксариятида аудитория соатига эга бўлган фан ва модулларда аудитория ва мустақил ўқиш соатлари нисбати ўртача 40 фоизга 60 фоиз эканлигини кузатишимиз мумкин. Бу нисбат бошқача қилиб айтганда 1:1.5 тўғри келади. Яъни, талаба муайян фан бўйича белгиланган ҳар 1 соат дарс учун унга дарсдан ташқарида бир ярим соат мустақил ўқиши, тайёрланиши керак бўлади.



6 Кредит = 180 соат ўқиш юклamasи
(40% аудитория соатлар / 60% мустақил ўқиш соатлар)

Бунда ОТТ 1 кредит учун 30 соатлик ўқиш юклamasи белгилаган бўлса, ундан 12 соати ($30*40\% = 12$) аудитория соатлари, 18 соати ($30*60\% = 18$) эса талабанинг мустақил ўқиш соатларига тўғри келади. Ушбу таксимот асосида 6 кредитлик фан ўқиш юклamasини аниқлайдиган бўлсак, талаба ушбу фан бўйича белгиланган кредитларни кўлга киритиш учун семестр давомида 72 соат ($(30*6)*40\% = 72$) аудитория дарсларини, 108 соат

((30*6)*60%=108)) уйда ва кутубхонада мустақил ўқиш юкламасини бажариши керак бўлади. ECTS кредит-модуль тизимида бир аудитория академик соат 45-60 минутга тенг.

Юқоридаги қоидалардан шуни тушунишимиз мумкинки, ECTS кредит-модуль тизимида талабанинг билим олиш вакти тушунчаси дарс вакти тушунчаси билан чекланиб қолмасдан, талаба ўқиш учун сарфлаган умумий вақт билан ўлчанади. Унда яна билимнинг манбай фақат ўқитувчи ёки аудитория эмаслигига ишора қилинади. Қисқача айтганда, кредит-модуль тизимида ўқиш вақти тушунчасига ўқитувчи нуқтаи назаридан эмас балки талаба нуқтаи назаридан ёндашилади.

Талаба ўқиш юкламасининг бу тарзда тақсимланиши таълим олиш жараённида масъулиятни маълум даражада ўз елкасига олиши, фан бўйича дарсда ва дарсдан ташқарида мунтазам равишида ўқиб бориши кераклигини билдиради. Эслатиб ўтамиз, 1 соат аудитория вакти учун талаба 1.5 соат уйда ва кутубхонада ўқиши зарур. Лекин бу жараён кўп жиҳатдан ўқитувчининг масъулиятига ҳам боғлик. Чунки талабаларни ўз вақтларидан самарали фойдаланиш учун уларга дарсдан ташқарида ўқиш учун қизиқарли материаллар ва муаммолар бериб бориш ўқитувчининг вазифасидир. Чунки бундай материал ва муаммоларсиз талаба дарсдан ташқарида фан бўйича имани ўқиши ёки ўрганиши мумкин?

Шунинг учун кредит-модуль тизимига ўтиши ўқитувчиларнинг иш юкламаларини ҳам қайта кўриб чиқиши, уларнинг иш юкламалари ҳам улар ўқитадиган фан кредитларидан келиб чиққан ҳолда белгиланиши мақсадга мувофиқ. Амалдаги тизимда эса ўқитувчилар иш юкламаси факат аудитория соатларига боғлаб қўйилган. Шунинг учун ҳозирда ўқитувчилар ҳам табиийки, ўз мажбуриятлари факат аудитория вакти билан боғлик, деб ўйлашади. Бу мавзуда қуйида алоҳида тўхталиб ўтамиз.

Талабанинг ўқиши юкламасининг бу тарзда аудитория ва мустақил ўқиши соатларига ажратилиши яна ОТГлар кутубхоналарида шароитларни яхшилаши, катта ўқиши залларини ташкил этиши, хорижий тилларда чоп этилган нуфузли

1. ТАЪЛИМНИНГ КРЕДИТ-МОДУЛЬ ТИЗИМИ ЎЗИ НИМА?

соҳавий адабиётларни оммавий тарзда таржима қилиши, яъни сифатли ўқув қўлланмалари қўламини янада кенгайтиришини тақозо этади.

Е) КРЕДИТ ВА МОДУЛЬ ТУШУНЧАЛАРИ ТАЪРИФИ

Кредит-модуль тушуничаси икки сўздан иборат: «кредит» ва «модуль».

Кредит. Олий таълим соҳасида кредит кўпчиликка банк ва молия соҳаси орқали таниш бўлган қарздорлик ёки молиявий мажбурият тушунчасини англатмайди. Шуининг учун олий таълим соҳасида кредит сўзи кўпинча «академик» сўзи билан бирга ишлатилади.

Академик кредит – олий таълимнинг муайян босқичида ушбу таълим даражасини қўлга киритиши мақсадида талаба томонидан мунтазам равишда тўплаб бориладиган рамзий ўлчов бирлиги. Бу бирлик талаба маълум миқдордаги ўқиши юкламасини бажарганилиги ва муайян ўқиши натижаларини муваффақиятли тарзда эгаллаганигини англатади.

Модуль. ECTS тизимида ўқув дастури бир неча модуллардан ташкил топади. Талаба кредитларни факат модуллар орқали қўлга киритиши мумкин. Хўш, ECTS тизимида модуль нимани англаатади?

Академик модуль – яхлит, муайян ўқув натижаларига эришишга қаратилган, ўзининг баҳолаши мезонларига эга бўлган тизимли, изчил ўқиши ва ўрганиш ҳаракатлари жамланмаси. У одатда бир семестр давом этади лекин айрим ҳолларда бир неча соатдан иборат бўлиши ҳам мумкин. ECTS тизимида ҳар бир модуль ўзидаги муайян миқдордаги кредитларни акс эттиради.

Юқоридаги таърифга кўра, ўқув дастуридаги ҳар бир фан бу модуль ҳисобланади. Чунки у яхлитликка эга, муайян ўқиш натижаларига эришишга йўналтирилган, ўзининг тизими ва баҳолаш мезонларига эга бўлган изчил ўқиш ва ўрганиш харакатлари жамланмасидир. Лекин модуллар фақат фанларнинг ўзидангина иборат эмас. Юқоридаги таърифга мос келадиган ва тегишли микдорда кредитларни ўзида акс эттирадиган ҳар қандай тизимли ва изчил ўрганиш ва машғулотлар жамланмасини модуль дейиш мумкин. Бунга ўқув дастурига киритилган амалиёт иши, диплом иши ёки диссертация ишини мисол тариқасида келтириш мумкин.

2. КРЕДИТ-МОДУЛЬ ТИЗИМИ ҚАНДАЙ ТАМОЙИЛЛАР АСОСИДА ҚУРИЛГАН?

ECTS кредит-модуль тизими муайян тамойиллар асосига қурилган. Улар қўйидагилар:

- 1) Талабага йўналтирган таълимни ташкил этиши (*student-centered education*);
- 2) Таълимда шаффофликка эришиши (*transparent education*);
- 3) Таълимда мослашувчанликни кучайтириши (*improving flexibility*);
- 4) Талабалар мобиллигини кучайтириши (*improving student mobility*).

Кўйида ҳар бир тамойил тафсилотларига қисқача тўхталиб ўтамиз.

А) ТАЛАБАГА ЙЎНАЛТИРИЛГАН ТАЪЛИМНИ ТАШКИЛ ЭТИШ


Таълим тизимларини одатда икки тоифага бўлиш мумкин: ўқитувчига йўналтирилган ва талабага йўналтирилган таълим. Уларни оддий қилиб қўйидагича тасвирлаш мумкин:

Ўқитувчига йўналтирилган таълим тизимида таълимга, ўқув дастурларига, дарс жараёиласига қатъий равишда ОТТ, уни назорат

Талабага йўналтирилган таълим



Ўқитувчига йўналтирилган таълим



килувчи ташкилот ва ўқитувчи хохиши нуктаи назаридан ёндашилади. Бунда талабалар нимани, канча, қандай усулда ўрганиши кераклиги масалаларини белгилашда меҳнат бозори вакиллари ва талабалариинг эҳтиёжлари, фикрлари кўп ҳам эътиборга олинмайди. Таълим жараёини бошқариш ва ташкил этиш анча марказлашган тарзда амалга оширилади.

Бунда яна ўқитувчига билимнинг ягона манбаи сифатида каралади. Талабалар асосан нофаол тиғловчи сифатида шаклланади, чунки таълим жараёилари уларни фаолликка ундумайди (дарслар асосан маъруза шаклида ташкил этилади). Бундай таълим тизимида талабаларда мустақил фикрлаш, ўз фикрларини ифода этиш, муиззарага киришиш, муаммоларга танқидий ёндашиш, ўзлари учун ўзлари қарор қабул килиш салоҳиятлари шаклланмайди.

Талабага йўналтирилган таълим бу ўқитувчига йўналтирилган таълимнинг тескариси десак тўғри бўлади. Ушбу тизимда таълимга ОТТ, уни назорат килувчи ташкилот ёки ўқитувчилар нуктаи назаридан эмас балки талабалар нуктаи назаридан ёндашишни талаб этади. ОТТлар, уларни назорат килувчи ташкилотлар ва ўқитувчилар таълим жараёнларини ташкил этувчиси бўлсаларда, улар асосан мувофиқлаштирувчи вазифасини ўтайдилар, яъни ўкув

дастурлари, хусусан талаба нимани, қанча, қандай усулда ўрганиши кераклиги талабаларнинг қизиқишилари, эҳтиёжлари, мутахасислик ва меҳнат бозори талабларини чуқур таҳлил қилган ҳолда, яъни «пастдан тепага» қараб (bottom up) шакллантирилади. Бунда яна ўқитувчига билимнинг ягона манбай сифатида қаралмайди. Талабалар таълим жараёнларига фаол жалб этилади. Таълим тизими талабаларда мустакил фикрлаш, ўз билимини бошқалар билан улашиш, ўзи учун ўзи қарор қабул қила олиш салоҳиятларини шакллантиришга йўналтирилади.

Талабага йўналтирилган таълим ECTS кредит-модуль тизиминг қуйидаги қоидаларида ўз аксини топган:

- ➔ **Таълим олиш вақти тушунчаси талабанинг дарсда ўтирган вақти билан эмас балки унинг фан бўйича ўқииш ва ўрганишига сарфлаган умумий вақтидан келиб чиқиб белгиланади.** Бунда талабанинг таълими ўқитувчининг «ўргатиш» учун сарфлаган соатларидан келиб чиқиб эмас балки талабанинг «ўрганиш» учун сарфлаган соатларидан келиб чиқиб ўлчанади. Яъни 1 кредит ўзида 25-30 соат ўкиш юкламасини акс эттиrsa, у ўз ичига талабанинг фанни ўзлаштириш бўйича у аудитория ва аудиториядан ташқарида сарфлаган умумий вақтини қамраб олади. Таълимга бундай ёндашув маълумот манбалари тобора кенгайиб бораётган интернет замонига ҳам хосдир.
- ➔ **Ўқув дастурлари ва ўқув режалари таълимдан кутилаётган аниқ ўқииш натижалари асосида шакллантирилади.** Яъни ОТТ ўқув дастурларини ва ўқув режаларини яратиш жараённида ўз олдига талаба мазкур ўқув дастури сўнгидা нималарни билиши, тушуниши ва қила олиши керак деган саволларни қўяди ва ўқув дастурларини шу саволларининг жавоблари асосида шакллантиради. Ўқиши жараёнлари анча максадли ташкил этилади. Буида ОТТ фаолиятига у талабаларга нималар «ўргатганлиги» га қараб эмас, балки талабалар ундан нималарни «ўргангандиги» га қараб баҳоланади. Бунда яна ОТТларнинг вазифаси талабаларга нафақат билим бериш,

балки уларда күнікма ва маҳоратлар шакллантириши ҳам белгиланған.

- **Талабалар фанларни маълум даражада ўзлари танлаш хуқуқига эга бўлиши орқали ўзларининг ўқув дастурига эга бўлишади.** Таълимдаги бу хусусият орқали талабалар ўзлари қизиққан фан ва йўналишларни чукурроқ ўрганиш, талабалик давридан самарали фойдаланиш, ўз салоҳиятларини тўлик рўёбга чиқаришга ва ўзлари учун ўзлари қарор қабул қилиш имкониятига эга бўладилар.

В) ТАЪЛИМДА ШАФФОФЛИККА ЭРИШИШ

ECTS кредит-модуль тизими талабаларнинг таълим жараёнларига тааллуқли бўлган барча маълумотларни талабаларга олдиндан, тушунарли, тўлиқ ва шаффоф тарзда етказишни талаб қиласиди. Буида ОТТ талабаларга улар бутун ўқишлари давомида қайси фанларни ўзлаштиришлари зарур ёки мумкинлиги, улардан кутилаётган ўқиш натижалари, талабалар қандай усул ва мезонилар асосида имтиҳон килинишлари ҳақида олдиндан тўлиқ ва шаффоф тарзда маълумот бериши керак бўлади. ОТТлар сонининг кўпайиши, ўқув дастурларига танлов фанларини кириб келиши ҳам таълимда шаффофликка бўлган эҳтиёжни янада кучайтиради. Чунки талаба ўз танлов хуқуқини том маънода амалга ошириши учун у дастур ва ундаги фанлар ҳақида етарлича дастлабки маълумотга эга бўлиши керак. Зоро, талаба ўз танлов хуқуқини факат факультет номини ёки фан номинигина билган ҳолда амалга ошира олмайди.

ECTS кредит-модуль тизимидаги таълим шаффофлигини таъминлаш қўйидаги қоидаларда ўз аксини топади:

- **Ўқув дастуридаги ҳар бир фанни маълум миқдордаги кредитларда акс эттирилади.** Яни ҳар бир кредит ўртача 25-30 соат ўқиш юкламасини англатишини ҳисобга олинса, талаба муайян фанга тақсимланган кредитлар миқдорига караб, ушбу фаннинг ўқиш юкламаси ҳақида дастлабки маълумотга эга бўлади.

- **Хар бир ОТТ ўқув иши бошида ўзининг ўқув дастурлари бўйича дастур каталогини ишлаб чиқиши ва уни талабаларга тақдим этади.** Дастур каталоги ОТТ веб саҳифасига жойлаштириш ёки бошқа усулда талабаларга тақдим қилиниши мумкин.
- **Ўқув дастуридаги ҳар бир фан муайян маълумотларни ўзида акс этирган ҳолда кодланади.** Ўқув дастурида ҳар бир фан унинг даражаси, бошқа фанлар билан алоқадорлиги, танлов ёки мажбурий фан эканлиги ва шу каби маълумотларни ўзида акс этирган ҳолда кодланади ва бу кодлар мазмуни ҳақида талабаларга тушунтирилади.
- **Ўқитувчилар томонидан ўз фанлари бўйича фан дастурларини тайёрланиши ва талабаларга тақдим этилиши.** ECTS кредит-модуль тизимида ҳар бир ўқитувчи ОТТ ўқув дастурдаги у ўқитиши керак бўлган ҳар бир фани бўйича «фан дастурини» ишлаб чиқади ва уни семестрнинг дастлабки хафтасида талабаларга тақдим этади.

С) ТАЪЛИМДА МОСЛАШУВЧАИЛИКНИ КУЧАЙТИРИШ

Юкорида таъкидлаганимиздек, ECTS кредит-модуль тизими ОТТлар ўзларининг ўқув дастурларини ишлаб чиқища муайян қоидаларга амал қилишни талаб этади. Бу дегани ўқув дастурлари, ўқув режалари ОТТ даражасида тайёрланади. Бу олий таълимни бошқаришнинг марказлашган тизимига қараганда анча самарали, ривожланган давлатларда кенг тарқалгаи усулларидан биридир. Чунки ОТТлар индивидуал тарзда замон, меҳнат бозори талабаларига тезроқ мослашиш, ушбу эҳтиёжларга тезроқ жавоб қайтариш имкониятига эга бўлади. Қолаверса, ОТТлар ўзларининг имкониятларини, афзаллик томонларини, таълим тизимида ўз ўринларига эга бўлиш учун айнан қайси йўналишларга сармоя қилишлари кераклигини ўзлари яхши билишади.

D) ТАЛАБАЛАР МОБИЛЛИГИИ КУЧАЙТИРИШ

ECTS кредит-модуль тизимида фаолият юритадиган ОТГлар таълимни ташкил этиш, уни ҳисобини юритиш бўйича стандарт тамойиллар асосида ишлаганлиги, таълим жараёнлари, талабаларни баҳолаш тизимлари шаффофликка асосланганлиги сабабли талабаларнинг бир ОТГда қўлга киритган кредитларини бошқа ОТГда тан олиниши имконияти кенгаяди. Шу туфайли ECTS кредит-модуль тизимиға ўтган ва унинг тамойилларига (том маънода) амал қилаётган ОТГларнинг ҳалқаро жозибадорлиги ошади. Уларинг хорижий ОТГлар билан ҳамкорлик қилиш имкониятлари кенгаяди.

3. КРЕДИТ-МОДУЛЬ ТИЗИМИ ҚАНДАЙ ЭҲТИЁЖЛАР АСОСИДА ПАЙДО БЎЛГАН?

A) КРЕДИТ-МОДУЛЬ ТИЗИМИНИИГ ИЛК ТАРИХИ

АҚШ кредит-модуль тизими энг биринчилардан жорий этилган кредит-модуль тизими сифатида дунё давлатлари ва шу билан бирга Европа давлатлари олий таълим ташкилотларида кредит-модуль тизими шакллашишига ўз ҳиссасини кўшган. Бошқача айтганда ҳозирда Европа олий таълим ташкилотларида кенг қўлланиб келинаётган ва Ўзбекистон Республикаси маҳаллий ОТГларида жорий этилиши режалаштирилаётган ECTS кредит-модуль тизими ўзагида ҳам АҚШ академик кредит тизими тамойиллари ётади. Шунинг учун АҚШ ва континентал Европа давлатларида кенг тарқалган кредит-модуль тизими тарихи ҳақида бироз мулоҳаза юритсан.

Кредит-модуль тизими илк бор XIX асрнинг иккинчи ярмида АҚШда жорий этилган.¹ Ўша пайтда мамлакат олий таълим ташкилотлари қатъий белгилаб қўйилган ўқув дастурлари асосида фаолият юритган. Ўқув дастурлари, асосан, ўша давр диний

¹ World Bank «The Academic Credit System in Higher Education: Effectiveness and Relevance in Developing Countries» (July 1992).

фалсафаси билан боғлиқ фанлардан ташкил топгаи. Деярли барча университетларда лотин тили алоҳида фан сифатида ўқитилган. Аслида бу пайтга келиб лотин тили аллақачон ўлик тилга айланиб бўлган эди. Яъни, амалиётда бу тилда деярли эҳтиёж бўлмаган. Университет ўқув дастурларида бу каби амалиётда аҳамиятии ийӯқотган фанлар кўлами анчани ташкил қилган. Натижада университетлар мутахассислар тайёрлайдиган даргоҳ эмас, балки ўша даврда аҳолининг ўзига тўқ қатлами шунчаки обрў ва тўкинлик белгиси сифатида таълим оладиган ташкилотга айланиб қолган. Бунинг оқибатида оддий фуқаролар орасида университетларга қизиқиш камая бошлаган.

1869 йилга келиб Гарвард Университетига ўша даврнинг энг илғор фикрловчиларидан бўлган Чарлес Эллиот Президент этиб сайланади. Кўп ўтмай у университетдаги қатъий белгилаб қўйилган ўқув дастурларини бекор қиласди. Эндиликда, Гарвард Университетида талabalар ўқув дастурида таклиф қилинадиган фанлар орасидан ўзлари хоҳлаган, қизиқсан фанларни танлаб, ўрганиш имкониятига эга бўладилар.¹ Яъни, ҳар бир талаба эндиликда ўзининг университетдаги ўқиш дастурини маълум маънода ўзи шакллантириш имкониятига эга бўлган эди.²

Бу ислоҳот мамлакат ёшлиари орасида Гарвард университетига бўлган қизиқишии жонлантириб юборади. Талabalар ўзлари қизиқсан фанларни танлаётганилклари учун университет ўқув дастурларидағи фанлар ҳам табиий равишда саралана бошлайди. Лотин тили каби замон талабларига жавоб бермайдиган фанлар талабаларда қизиқиш бўлмаганлиги сабабли дастурни тарк этади ва университет фанлари рўйхатини иқтисодиёт, меҳнат бозори ва талabalар эҳтиёжларига мос фанлар эгаллай бошлайди. Ўз фанларига талabalарни жалб қилиш максадида ўқитувчилар ҳам

¹ Jessica Shedd (2003), «The History of the Student Credit Hour». New Directions for Higher Education. 122 (Summer) (122): 5–12.

² «Халқ сўзи» газетаси. Кредит-модуль тизимига ўтиш нима учун керак? 2020 йил 5 август, № 163 (7665).

дарс сифатини яхшилашга ҳаракат қила бошлайди. Акс ҳолда улар ўқитаётган фан ўкув дастуридан чиқариб юборилиши мумкин. Дарсларда талабаларниг фаоллиги ҳам анча ортади. Чунки талабалар асосан ўзлари хоҳлаган, кизиккан ва танлаган фанларини ўрганаётгай эдилар.

Гарвард Университети қатъий ўкув дастурлардан воз кечгандан сўнг, университет олдида бир қанча саволлар туғила бошлайди: хўш эндиликда университетда барча талабалар учун бир хил бўлган қатъий белгилаб қўйилган ўкув дастурлар йўқ. Бундай ҳолатда талабаларниг курсдан-курсга ўтиши ёки битириши қандай мезонлар асосида амалга оширилиши мумкин? Яъни, талабаларниг ўқиш дастуридаги ривожланишини нималар билан ўлчаш мумкин? Талабалар мутахассис сифатида шаклланиши учун қанча билим эгаллаши керак?

Гарвард Университети бу саволларниг барчасига жуда оддий ечим топади. Ҳар бир фанга унинг ўқиш юкламасидан келиб чиқиб рамзий ўлчов бирликлари, яъни кредитлар тақсимлаиади. Яъни, ҳар бир фан муайян миқдордаги кредитларда акс этади ва талаба бир ўкув йили охиригача муайян миқдордаги кредитларни тўплаши кераклиги белгилаб қўйилади. Эндиликда, университет талабаларни ўкув дастурларидаги ривожланишини, муайян таълим даражасига муносиблигини у жамғарган кредитлар сонига қараб аниқлай бошлайди. Бу университет учун ҳам, талабалар учун ҳам кулай, тушуниш осон бўлган тизим эди. Аста-секинлик билан бошқа университетлар ҳам Гарвард Университети амалиётини ўзларида кўллай бошлайди. Қайси университетлар шу амалиётни қўлласа, ёшлар орасида шу университетларга қизиқиш орта бошлайди.

Кредит тизими тамойилларини АҚШ олий таълим ташкилотларида янада кенгроқ тарқалишининг кейинги босқичи 1900 йиллар бошларида рўй берди. 1906 йилда АҚШдаги пўлат саноати магнати, йирик филантроп Эндрю Карнеги олий таълим ташкилотларининг ўқитувчиларини қўллаб-куватлаш мақсадида Таълимни Ривожлантириш жамғармаси ташкил этади. У жамғармага ўша давр пулида \$10 миллион доллар маблағ ажратади. Карнегиинг асосий

мақсади ўша пайтларда анча кам ҳақ түланган ўқитувчиларининг маошларига қўшимча пул қўшиб берниш (salary top-up) орқали уларни қўллаб-қувватлаш ва бу касбга яхши кадрларниг жалб этилишига ўз ҳиссасини қўшиш эди. Жамғарманинг вазифаси эса пулларни университет ўқитувчиларига адолатли тарзда тақсимлаш эди. Жамғарма бу мақсадга эришишнинг энг мантикий усулини мавжуд кредит тизими деб топади.

Яъни, жамғарма Карнеги Пулларини ўқитувчиларга улар ўқитган фан кредитлари микдорига қараб тақсимлашга қарор қиласди.¹ Бунииг натижасида шу пайтгача кредит тизимини қабул қилмаган университетлар ҳам ўз ўқитувчиларига жамғармадан пул олиш мақсадида ўзларида кредит тизимини жорий эта бошлади. Шундай килиб, 1930 йилларга келиб АҚШ олий таълим ташкилотларининг деярли барчаси кредит тизимида фаолият юрита бошлаган эди.

В) КРЕДИТ-МОДУЛЬ ТИЗИМИНИИГ ЯҚИН ТАРИХИ – ECTS

1976 йилда Европа Иттифоқи давлатлари таълим вазирлари мазкур давлатлар университетлари ўртасида ҳамкорликда ўқиш дастурлари жорий этиш борасида келишувга эришишади.² Лекин бу лойиҳани амалга ошириш, лойиҳанинг молиявий ва ҳукуқий томоиларини ишлаб чиқиш учун 10 йилдан кўпроқ вақт керак бўлди. Ва ниҳоят 1987 йилда Европа иттифоқининг Лондон Саммити давомида иттифоқ аъзо мамлакатлари ОТТлари ўртасида талабалар алмашинувини қўллаб-қувватловчи Эрасмус (ERASMUS) дастури ташкил этилади. Бундан кўзланган мақсад Европа иттифоқи давлатлари университетларида ўқиётган талабалар бир йил ёки бир семестр давомида бошқа аъзо давлатлар ҳудудидаги университетларда

¹ Jessica Shedd (2003), «The History of the Student Credit Hour». New Directions for Higher Education. 122 (Summer) (122): 5–12.

² Resolution of The Council and of the Ministers of Education, Meeting within the Council, Official Journal of the European Communities, 1976. <https://eur-lex.europa.eu/legal-content/EN/TXT/PDF/?uri=CELEX:41976X0219&from=EN>

ўзаро алмашлаш бўйича таълим олиш имкониятларини кенгайтириш эди. Европа иттифоқи бундай халқаро талабалар алмашинуви дастурларини қўллаб-қувватлаш ва дастурнинг тизимли ижроси учун катта микдорда грантлар ажратади. Эрасмус дастури натижаси ўлароқ Европа университетларининг кўпчилиги унда қатнашиш мақсадида ўзларида Эрасмус офисларини оча бошлайди.

Лекин Эрасмус дастури ташкилотчилари тез орада дастур муваффакияти учун бир катта муаммони ҳал этишлари кераклигини тушуниб етишади. Дастур муваффакияти учун энг муҳим шартлардан бири бу талабалар хорижда ўргаиган фанлари ўз университетига қайтгандан сўнг тегишли таълим даражасини кўлга киритишлари учун тан олинишига эришиш эди. Лекин амалда аъзо давлатлар университетлари ўқув дастурларини вакт, юклама ва моҳият нуқтаи назаридан қиёслаш механизми мавжуд эмас эди.

Бу муаммонинг ечими сифатида Эрасмус дастури 1989 йилда Америка кредит тизими ва Нидерландия олий таълим тизимига асосланган ҳолда янги кредит-модуль тизими қоидаларини ишлаб чиқади ва уни European Credit Transfer System (ECTS) деб номлайди. Ушбу қоидалар ўзида Европа Иттифоқи давлатлари университетларининг ўқув дастурлари, уларда таклиф этиладиган фанларни қиёслаш ва талабалар алмашлаш дастурлари доирасида хориж университетларида олган фанларини ўз университетларида тан олиниши тамойилларини камраб олган эди. ECTS кредит-модуль тизими қоидаларини жорий этиш натижасида Европа Иттифоқи давлатлари университетлари ўртасида талабалар алмашинуви ривожлана бошлайди. Дастурда қатнашувчи университетлар ўқув дастурлари халқаро даражада эътирофга эга бўла бошлайди.¹

1999 йилга келиб Европада Болонья процесси деб аталган Европа мамлакатлари олий таълим вазирликлари ўртасида ўзаро ҳамкорликни ривожлантириш халқаро форуми иш бошлайди. Фо-

¹ Robert Wagenaar, A History of ECTS, 1989-2019. Developing a World Standard for Credit Transfer and Accumulation in Higher Education. International Tuning Academy, 2020.



румнинг мақсади Европа давлатларида олий таълим стандартлари ва сифатини уйғунлаштиришга қаратилган эди. Болонья процессида Европа давлатлари эндиликда ECTSни ўзларининг олий таълим ташкилотларида таълимни ташкил этишнинг асосий усули сифатида тарғиб қилишга келишиб олишади. Бунинг натижасида ECTS эндиликда нафақат талабалар халқаро алмашинуви максадида балки, Европа мамлакатлари доирасида университетларда таълимни ташкил қилиш усули сифатида кенг тарқала бошлайди.

Хозирда ECTS кредит-модуль тизими Европанинг 48 давлати олий таълим ташкилотлари томонидан турли даражада таълимни бошқариш усули сифатида фойдаланиб келинмоқда. Болонья процесси аъзо давлатлари орасида Россия, Белорусия, Туркия, Азарбайжон, Арманистон, Грузия, Қозогистон ҳам тенг ҳукукли аъзоси сифатида катнашиб келмоқда ва ECTS кредит-модуль тизимини ўзларининг ОТТларида жорий этиш бўйича харакатларни олиб боришмоқда.

С) КРЕДИТ-МОДУЛЬ ТИЗИМИ ТАРИХИДАН САБОҚЛАР

Кредит-модуль тизими юкоридаги тарихи түғрисидаги маълумотлардан жуда муҳим сабоқлар олиш мумкин. Булардан энг асосийлари сифатида куйидагиларни келтиришимиз мумкин:

- Кредит-модуль тизими аниқ эхтиёжлар асосида пайдо бўлган. Энг аввало у олий таълим ўкув дастурларига эркинлик олиб кириш, ўкув дастурларига танлов фанларини кириб келиши билан чамбарчас боғлик. Бундан ташкари кредит-модуль тизими олий таълим ўкув дастурларини «юкоридан пастга» қараб эмас, балки «пастдан юкорига қараб» яъни замон, меҳнат бозори ва талабалар эхтиёжлари асосида шакллантириш эхтиёжлари асосида юзага келган;
- Кредит-модуль тизими қолайверса мамлакат олий таълим ташкилотларини мамлакатдан ташқаридаги университетлар билан алоқаларини яхшилаш, мамлакат уииверситетларини халкаро майдонда эътироф этилишига эришиш эхтиёжлари асосида шаклланган. ECTS кредит-модуль тизимининг ҳозирги кундаги энг асосий вазифалари бу ОТТ ўкув дастурларига эркинлик, мослашувчанлик, шаффофлик ва талабага йўналтирилган таълимни олиб кириш.

4. КРЕДИТ-МОДУЛЬ ТИЗИМИ МАМЛАКАТ ОЛИЙ ТАЪЛИМ ТИЗИМИГА НИМАЛАРНИ БЕРАДИ?

Хўш, кредит-модуль тизими Ўзбекистон Республикаси олий таълим тизимига нималарни беради? Унинг амалдаги таълим тизимидан афзалликлари нима? Энди қўйида кредит-модуль тизими бизга нималарни беради, деган саволга аниқ мисоллар билан жавоб беришга уриниб кўрамиз. Кредит-модуль тизими мамлакатимиз олий таълим тизимига бир неча афзалликларни олиб киради. Улардан асосийлари сифатида куйидагиларни санаш мумкин.

А) ОТТЛАРДА ТАЛАБАЛАР ЎҚИШ ЮКЛАМАСИННИГ МУВОЗАНАТЛИ ТАҚСИМОТИ

Юқорида таъкидлаганимиздек, ECTS кредит-модуль тизимида талаба ҳар бир ўкув йили учун тўйилаб бориши керак бўлган кредитлар миқдори олдиндан белгилаб қўйилган. Бу 60 кредитни ташкил килади. Ҳар бир семестр учун белгиланган кредитлар миқдори эса 30 кредитни ташкил қилади. Бундан ташкари талаба ҳар бир кредитни кўлга киритиш учун белгиланган ўқиши юкламаси миқдори ҳам аниқ ва бу $25 \times 30 = 750$ соат оралиғида. Шундай экан талабаларнинг ҳар ўкув йилидаги ўқиши юкламаси ўртacha $1500 - 1800$ соат ($60 \times 25 = 1500$; $60 \times 30 = 1800$), ҳар семестрдаги ўқиши юкламаси эса ўртacha $750 - 900$ соатни ташкил этади ($30 \times 25 = 750$; $30 \times 30 = 900$). Талабанинг бир йиллик ва бир семестрдаги ўқиши юкламаси бу миқдордан кўп ҳам, кам ҳам бўлиши мумкин эмас.

Шундай экан талабаларнинг бир ўкув йили ёки бир семестр давомидаги ўқиши юкламаси ECTS кредит-модуль тизимида фаолият юритадиган барча университетларда деярли бир хил бўлади. Бу бирхиллик ўкув дастурларига барқарорлик ва мувозанат олиб киради. Эндиликда ОТТлар талабаларга бир семестрда 7 та фан, иккинчи семестрда эса 10 та фанини ўқишни мажбурлаши қийинлашади. Амалдаги тизимда эса бундай барқарорлик ва мувозанатга кафолат йўқ эди. Шунинг учун талабалар бир семестр давомида баъзида 7 та, баъзида 8 та, ва яна бошқа семестрда эса 10 та фанини ўқишларига тўғри келади.

Бундан ташкари, хозирда аксарият маҳаллий университетларда талабалар бир семестр давомида одатда 8-10 тагача фанларни ўқишларига тўғри келмоқда. Аслида 8-10 та фанни 4 ой ичida ҳар томонлама ўрганиш бу жуда муаммоли масала. Мамлакатимиздаги амалдаги олий таълим стандартлари тўғрисидаги коидаларда ҳам ОТТлар талабаларга ҳафтасига 36 соатгача аудитория машғулотлари белгилаши мумкинлиги қайд этилган. Бу 5 кунлик ўкув ҳафтасида кунига 7 академик соатни англатади. Бундай холатда талаба фанларни том маънода ўрганиш ўрнига кунни шунчаки дарсдан-дарсга,

хонадан-хонага югуриб ўтказишларини тасаввур қилиш мумкин холос. Қолаверса, ўзи куннинг шунча қисмини аудиторияда ўтказган талаба дарсдан ташқари вақтини энди ўқишга сарфлашга хоҳиш ва имконият топишига ишониш қийин.

Кредит-модуль тизимида эса кредитларнинг фанлар бўйича ўртача таксимоти 5, 6 ёки 7.5 ни ташкил этади. Бу дегани талаба бир семестрда кўпи билан 4, 5 ёки жуда борса 6 та фан ўрганади ($30/7.5=4$; $30/6=5$; $30/5=6$). Бу талабалар семестр давомида ўрганиши зарур бўлган фанларнинг сони амалдагидан кўра анча қисқаришини англатади. Яъни, кредит-модуль тизими ОТТ ўкув дастурларига меъёр ва сифат олиб кириши, таълимни ташкил этишда сои кўрсаткичидан сифат кўрсаткичига ўтишга хизмат қиласди. Чунки фанлар сонииинг бу тарзда қисқариши, эндиликда талабалар ўз вақт ва имкониятларини ана шу кам сонли фанларни чукурроқ ва ҳар томонлама ўрганишларига имконият яратади.

В) ОТТ ЎҚУВ ДАСТУРЛАРИГА ТАНЛОВ ФАНЛАРИНИ КИРИБ КЕЛИШИ

Ўқишининг дастлабки йилларида соҳа бўйича умумий билимга эга бўлгандан сўнг талабаларда айрим йўналиш ва фанлар бўйича чукурроқ билимга эга бўлиш ва келажакда шу йўналишда ишлашга иштиёқ пайдо бўлиши мумкин. Бу дегани, талабалар йилдан-йилга мутахассис сифатида шаклланиб борар экан, улар учун ўқиш дастуридаги айрим фанларнинг аҳамияти ортиб, айрим фанларнинг аҳамияти камайиб боради. Лекин ҳозирда университетлар қатъий белгилаб қўйилган ўкув дастурлари асосида иш юритади. Яъни, талабалар ўқишга киргандан бошлаб то битиргунга қадар дастурда белгиланган барча фанларни ўрганишга мажбур.

Бу қай даражада тўғри? ОТТда таълим олаётган талабалар катъий белгиланган стандарт ўкув дастури асосида таълим олиши шартми? Дастурдаги барча фанлар ҳар бир талабанинг қизиқишлари, келажак режасига тўғри келмасачи? Аслида ҳар бир талаба ўз қизиқишлари, имкониятлари, келажакда қайси касбни эгаллаши ва бу учун ке-

ракли фанларни университетдан кўра яхшиrok билади. Талабани мажбуrlab хонада олиб ўтириш мумкин, лекин унинг фикр ва эътиборини хонада ушлаб ўтириб бўлмайди. Яъни, у барibir ўзи хоҳлаган нарсасига эътибор беради, хоҳламаган нарсасига эса йўк. Имтиҳонлардан эса бир амаллаб ўтиб олишга ҳаракат қилади. Бундан кимга нима фойда? Аксинча бундай ҳолатлар канчадан-канча ресурслар, маблағлар, инсонлар вакти беҳуда сарфланишига сабаб бўлади. Бу олий таълим тизимида коррупция ҳолатларига ҳам сабаб бўлиши мумкин.

Кредит-модуль тизимига ўтишнинг муҳим жиҳатларидан яна бири бу ўкув дастурига танлов фанларининг кириб келишидир. Унга кўра талabalар ўқишининг дастлабки йилларида соҳага оид асосий, умумкасбий фанларни ўзлаштириб, соҳа бўйича умумий билимни эгаллаб олганларидан сўнг, улар энди соҳага оид маҳсус фанларни ўз қизиқишиларидан келиб чикиб ўзлари таилаш имкониятига эга бўладилар. Бунда ОТГ талabalарга ўкув йили давомида таклиф қилинаётган танлов фанларнинг рўйхатини ва улар ҳақида батафсил маълумот тақдим этади. Талabalар эса ушбу рўйхат ва маълумотлар асосида ўзлари қизиқкан фанларни танлайдилар. Бу жараён хар бир талаба ўзининг бакалавр ёки магистратура ўқиш дастурини маълум маънода ўзи шакллантиришга имкон яратади. Яъни, гуруҳда 50 нафар талаба бўлса, уларнинг ҳар бири ўз қизиқишиларига кўра ўз ўқиш дастурларига эга бўлади.

Танлов фанлари микдори курсдаи-курсга кўпайиб бориши зарур. Чунки талаба курсдаи-курсга ўтган сари, мутахассис сифатида шаклланниб ва унда мустакил карор қабул қилиш кобилияти ҳам юксалиб боради. ОТГлар аста-секинлик билан талабларга ўз факультетларидан ташкарида, яъни бошқа факультетлардан ҳам танлов фанлари олишга имконият яратишлари зарур.

Танлов фанлари амалиёти нафақат талabalар ўзлари хоҳлаган ўйналиш бўйича чуқуррок билим олишга имконият яратади, балки ОТГ ўкув дастуридаги фанлар таркиби табиий равишида саралашиб боришига ҳам хизмат қилади. Чунки, талabalар қизиқиши ва эҳтиёжларига жавоб бермайдиган фанлар аста-секинлик билан

дастурни тарк этиб, фанлар рўйхатини иқтисодиёт, давр талаблари ва талабалар қизикишларига мос фанлар эгаллай бошлайди. Бундан ташқари фан ўзига етарли миқдорда талабаларни жалб қила олиши учун ўқитувчи доимий равишда ўз устида ишлаши, талабалар учун фаннинг аҳамиятини саклаб қолиши, дарсларнинг сифатини доимий равишда яхшилаб бориши зарур. Акс ҳолда ушбу фан ўқув дастуридан чикиб кетиши ва натижада ўқитувчи ўз ишини йўқотиб кўйиши мумкин. Бу жараён дарслар сифатининг яхшиланишига хизмат киласди.

Танлов файлари амалиёти ривожланган давлатларда ўзини исботлаган амалиётдир. Улардаги фан тараққиёти, иқтисодиёт даражаси, мутахассисларнинг салоҳияти таълимдаги айнан шу жиҳат билан боғлик бўлса ажаб эмас. Чунки талаба ўзи хоҳлаган, қизиккан фан ва ўйналишларни яхшироқ ўзлаштиради ва унда катта муваффақиятларга эришиши мумкин.

Шуниси аниқки, кредит-модуль тизимининг тарихи, унинг пайдо бўлиши танлов фанлари амалиёти билан чамбарчас боғлик. Яъни, кредит-модуль тизимиининг юзага келишига танлов файлари амалиёти сабаб бўлган.¹ Шундай экан, агар ОТТ ўзида кредит-модуль тизимини жорий этсада, лекин ўқув дастурларига танлов фанларини олиб кирмаса, ушбу ОТТ том маънода кредит-модуль тизимида фаолият юритяпти, дейиш кийин.

С) ОТТЛАР ЎҚУВ ДАСТУРЛАРИДА ФАНЛАРНИНГ САРАЛАНИШИ

Тасаввур қилинг сиз палов пиширмоқчисиз. Бунда сизга асосан гўшт, ёғ, сабзи, пиёз ва гуруч керак бўлади. Сиз бу таомни тайёрлаш учун одатда шолғом ёки картошка ишлатмайсиз. Чунки улар сиз тайёрламоқчи бўлган таом мақсадларига тўғри келмайди. Агар сиз палов тайёрлашда сабзи ўрнига шолғом қўшиб юборсангиз,

¹ «Халқ сўзи» газетаси. Кредит-модуль тизимига ўтиш нима учун керак? 2020 йил 5 август, № 163 (7665).

натижада таомингиз бошқача чиқиб қолиши тайин ва бундан ўша таомни истеъмол қилувчилар ранжиши мумкин. Худди шундай, мутахассис тайёрлаш ҳам унда мутахассисликка оид зарур билим, кўникма ва маҳоратларни шакллантиришдан иборат. Агар талабага зарур мутахассислик билим ва кўникмалар қолиб бошқа иарсалар ўргатилса, унда мутахассисликка оид жиҳатлар тўлиқ шаклланмай қолади. Бунинг натижасида битирувчини ишга олган ташкилот мутахассисдан ҳам, уни тайёрлаган таълим ташкилотидан ҳам хафсаласи пир бўлиши мумкин.

Ҳозирда олий таълим ўкув дастурларида талабанинг мутахассислигига тўғридан-тўғри алоқаси бўлмаган фанлар етарлича. Масалан, аксарият университетларда 1-курсда, айрим ҳолларда юқори курсларда ҳам жисмоний тарбия, диншунослик, этика, эстетика ва шунга ўхшаш бошқа фанлар ўтилади. Бу фанларни одатда талабаларнинг мутахассислигига тўғридан-тўғри алоқаси йўқ бўлсада, улар ОТТ ўкув дастурларида анчагина жой ва вактни эгаллайди. Қолаверса, талаба жисмоний тарбия фанини ОТТда факат 1 семестр ёки 1 йил ўрганиши бироз ғалати. Бир мутахассис таъкидлаганидек, гўёки жисмоний саломатлик ва спорт талабага факат бир семестр ёки бир йил керак бўлади холос.

Аслида бу каби фанларнинг аксарияти мактабнинг юқори синф дастурлари хусусиятларидир. Агар талаба ушбу фанлар бўйича мактабда билим ва кўникмага эга бўлган бўлса, уларни университет даражасида яна тақрорлашга қандай эҳтиёж бор? Ундан кўра талаба шу вактни ўз соҳасини чуқурроқ ўрганишга сарф килсанчи? Тўғри, диншунослик, этика ва эстетика каби умумий фанлар ёшларнинг шахс сифатида шаклланишида катта роль ўйнаши мумкин, лекин ҳозирда мактаб битирувчиларининг бор йўғи 10-20% фоизигина ОТТ га кирмоқда. Бу дегани агар бу фанлар мактаб юқори синфларида ўргатилмаса, мактаб битирувчиларининг аксариятида бундай билимга эга бўлиш имконияти бўлмайди. Агар бу каби умумий фанлар ҳақикатда ҳам ёшларнинг шахс сифатида шаклланиши ва жамият учун муҳим ҳисобланса, унда улар ОТТ даражасида эмас балки мактабнинг юқори синфларида

ўргатилиши мақсадга мувофиқ. Шунда бундай фанлардан кўпроқ ёшлар баҳраманд бўлишади.

Қисқача айтганда, ОТТ ўқиш дастурларининг умумий, мутахассисликка тўғридан-тўғри алоқаси бўлмаган, ўзини тақрорловчи фаилар билан тўлдирилиши талаба университетдаги қисқа ва энг қимматли вақтидан самарали фойдалана олмаслигига олиб келмоқда.

ECTS кредит-модуль тизимида эса ОТТлар ўзининг ҳар бир бакалавр ва магистратура ўкув дастури мақсадларини олдиндан аниқ белгилаб олиши талаб этилади. Яъни, улар муайян мутахассислик бўйича ўқиш дастурини яратишдан аввал ўз олдиларига қуидаги саволларни қўйишлари талаб этилади:

- Биз қандай мутахассис тайёрламоқчимиз?
- Бизнинг битирувчилар айнан қандай билим, кўникмага эга бўлиши ва университет дастурини тамомлагандан сўнг нималарни қила олиши керак?
- Талабаларимиз шу билим, кўникма ва маҳоратга эга бўлиши учун нималарни (фанлар, машғулотлар ва тажрибаларни) ўрганиши керак?

Шу учта савол ҳақида мулоҳаза қилиш жараёнининг ўзи ўкув дастури қандай фанлар, машғулотлар ва тажрибалардан ташкил топган бўлиши ҳақида хulosани ишлаб чиқишга имкон беради. Ҳар бир ОТТ бакалавр ва магистратура дастури турлича бўлганлиги сабабли унинг мақсадлари ҳам турлича бўлиши табиий холат. Шунинг учун ҳам бу ўкув дастурларини университет даражасида ишлаб чиқиб, тасдиқлашади.

Яъни, ОТТлар ўзларининг ҳар бир бакалавр ва магистратура ўкув дастурининг мақсадларини битирувчи дастур давомида қўлга киритиши зарур бўлган билим, кўникма ва маҳоратлар шаклида олдиндан аниқ белгилаб олишлари зарур. Бу кредит-модуль тизими тили билан «Program Learning Outcomes» деб аталади. Ўкув дастури мақсадлари белгилаб олингандан сўнг, эндиликда дастурда

факат шу мақсадларга хизмат қилувчи фаиларгина сақлаб қолинади ёки дастурга киритилади, қолган фанлар эса дастурни тарқ этиши зарур.

Шу нұктай назардан, ОТТлар ўз ўқув дастурларини иқтисодиёт, мәхнат бозори ва талабалар әхтиёжларидан келиб чиккан ҳолда әркін шакллантириш имкониятига эга бўлишлари учун 2001 йил 16 августа Вазирлар Маҳкамаси томонидан қабул қилинган «Олий таълимиминг давлат таълим стандартларини тасдиқлаш түғрисида» ги қарорга ўзгартириш киритилиши ва ОТТларга ўқув дастурларини ўzlари әркін шакллантиришга имконият берилиши керак. 19 йил аввал ишлаб чиқарилган стандарт бугунги замон талабларига жавоб бермаслиги әхтимоли катта. Зоро, иқтисодиёт ва мәхнат бозори талаблари ўзгарган сари ОТТларнинг ҳам ўз ўқув дастурларини мунтазам равишда баҳолаб бориш, зарур бўлса, ўзгартиришга имконияти бўлиши керак.

D) ОТТ ЎҚУВ ДАСТУРЛАРИГА ШАФФОФЛИК ОЛИБ КИРИШ

Кредит-модуль тизимида ОТТлар нафакат ҳар бир ўқиш дастурлари мақсадларини олдиндан белгилаб олишлари зарур, балки бу мақсадларни ўзининг бўлгуси ва мавжуд талабларига олдиндан шаффоф тарзда етказиши керак. Ҳозирда, маҳаллий ОТТларга хужжат топшираётган талабалар ўzlари хужжат топшираётган бакалавр ёки магистратура дастурларида айнан нималарни ўрганишлари мумкинлиги ҳақида етарлича маълумотга эга эмаслар. Аксарият ҳолларда абитуриентларга факат университет, факультет ва дастур номигина маълум. Ҳатто университетда ўқиётган талабалар ҳам кейинги семестрда кайси фанларни ўкишларини факат ўша семестр бошидагина биладилар. Яъни, абитуриентлар ва талабаларга бакалавр ёки магистратура дастурларининг мақсадлари, унда ўрганиладиган фанлар, дастурда улар қандай билим, кўникма ва маҳоратга эга бўлишлари ҳақида олдиндан, колаверса ўқиш давомида ҳам етарлича маълумот берилмайди.

Абитуриентга ёки талабаларга бу маълумотлар нима учун олдиндан тақдим этилиши зарур? Ҳозирда талабаларга бир пайтнинг ўзида бир нечта университетларга хужжат топшириш имконияти берилмоқда. Шундай экан улар бир пайтни ўзида бир нечта ОТТ-га қабул қилиниши мумкин. Бўлгуси талабалар қайси ОТТИинг кайси дастурига хужжат топшириш ва уларга қабул қилингандан сўнг танловни амалга ошириши учун ОТТ ва уларнинг дастурлари ҳақида етарлича маълумотга эга бўлишга ҳақлидирлар. Таилов учун ОТТ ёки ундаги дастурларининг номини билишнинг ўзигина етишмайди. ОТТлар сони кўпайган сари эндиликда талабалар ундаги дастурларнинг иомига қараб эмас, балки сифатига қараб танлай бошлайдилар. Яъни, абитуриентлар ҳаётларининг 4 ёки 2 йилини ва қийналиб топилгай пулларини нимага сармоя қилаётганликларини олдиндан билишга ҳақлидир. Қолаверса, ҳар бир талаба ОТТга анча миқдорда контракт пули тўлаётган мижоз сифатида муайян ўқиш дастури ҳақида батафсил билишга ҳақлидир.

Кредит-модуль тизимида ўтгандан сўнг эса университетлар ўзларининг ҳар бир бакалавр ва магистратура дастурлари бўйича дастур каталогини, яъни китобчасини ишлаб чиқишлирага тўғри келади. Унда ҳар бир бакалавр ва магистратура ўқув дастурнинг мақсадлари, қабул қоидалари, ОТТдаги ўқиши шароитлари, академик тақвим, талабалар 4 йиллик ёки 2 йиллик дастур давомида айнан қайси фанларни ўкишлари мумкинлиги, ушбу фанларнинг қисқача тавсифи, қайси фан айиан қайси курсда ўрганилиши, уларни айнан кимлар ўқитиши, ОТТда талабалар учун ёткxона имкониятлари, талабаларнинг бир ойлик ўртacha яшаш харажатлари, ОТТда қўлланиладиган баҳолаш усул ва мезонлари ҳақида абитуриент ва талабаларга олдиндан шаффоф тарзда маълумот берилиши зарур. Бу маълумотлар ҳар янги ўқув йили бошида китобча тарзида талабаларга тарқатилади ёки университет веб саҳифасига юклаб олиш мумкин бўлган форматда жойлаштирилади.

Е) ОТГЛАРДА ЎҚУВ МАШҒУЛОТЛАРИИ ШАФФОФ ТАРЗДА ТАШКИЛ ЭТИШ

Ҳозирда мамлакатимиздаги аксарият ОТГларида талабалар семестр бошида дарслар бошланиши арафасида факат ўша семестрда ўтиладиган фанларнинг номи, уларни ўқитадиган ўқитувчилар исмлари, дарслар қайси пайт, қайси хоналарда ўтиши ҳақида маълумотга эга бўладилар холос. Талабаларга ушбу фанларнинг мақсадлари, уларни талабанинг мутахассис бўлиб этишишида тутган ўрни, талаба ушбу фанлар орқали қандай билим, кўникма ва маҳоратга эга бўлниши кутилаётганлиги ҳакида маълумот деярли берилмайди, билмайдилар. Чунки амалиётда университет фанлари ҳақидаги бундай маълумотлар талабаларга тизимли, яхлит ва шаффофф тарзда тақдим этилмайди.

Кредит-модуль тизимида эса ОТГнинг ҳар бир ўқитувчиси ўзининг ҳар бир фани бўйича 4-5 варокли фан дастурига, яъни «syllabus» га эга бўлиши ва уни семестр бошида талабаларга тақдим этиши керак бўлади. Фан дастури ўзида ушбу фаннинг мақсадлари, унинг ўқув дастурида тутган ўрни, талабанинг келажақдаги касбий фаолияти учун аҳамияти, талабалар ушбу фанни ўрганиш натижасида нималар қила олиши, ушбу фан бўйича семестр давомида ўрганиладиган мавзулар, талабалар фойдаланиши зарур ва мумкин бўлган адабиётлар рўйхати, баҳолаш мезонлари ҳақидаги маълумотларин камраб олади. Агар фан танлов фани бўлса, талаба учун бундай маълумотларнинг аҳамияти жуда катта. Чунки талаба фанни танлаш ёки танламаслик бўйича қарорга келиши учун фанни номини ёки уни ўқитадиган ўқитувчининг исмии билинши ўзигина кифоя қилмайди. Талаба бундай қарорга келиши учун фан бўйича етарли маълумотга эга бўлиши керак.

Фан дастуридан кўзланган мақсад жуда оддий – ОТГларда дарс жараёнларини шаффофф, мақсадли ва режа асосида ташкил этишга эришишдир. Бу амалиёт, авваламбор ўқитувчини ўзи ўқитмоқчи бўлган фан мақсадлари ва аҳамиятини ўзи тушуниб олишга учдайди. Афсуски амалиётда, ўзи ўргатаётган фанининг мақсадлари

ва унинг талабаларни мутахассис сифатида шаклланишидаги аҳамиятини билмайдиган ўқитувчилар ҳам етарлича.

Агар ўқитувчи ўз фани мақсадларини олдиндан аниқ белгилаб олса, у семестр давомида барча таълим ҳаракатларини мана шу мақсадларга эришишга қаратади. Имтиҳонлар ҳам талабаларниг ушбу кўзланган мақсадларга эришган-эришмаганлиги текширишга қаратилади. Агар фаннинг мақсадлари белгиланмаса ёки у талабанинг мутахассис сифатида шаклланишига хизмат қилмаса, ушбу фан ўкув дастурида қолиши тўғри эмас. Лекин ушбу амалиёт ОТТ томонидан ўқитувчилар устидан назоратни кучайтириб юборишига, ўқитувчиларни шу баҳоиа жазолашга ва қоғозбозчиликка ҳам олиб келмаслиги керак.

5. КРЕДИТ-МОДУЛЬ ТИЗИМИДА ЎҚУВ ДАСТУРЛАРИ ҚАНДАЙ ЯРАТИЛАДИ?

ECTS кредит-модуль тизимида ОТТ ўкув дастурларини шакллантириши қуйидаги муҳим босқичларни ўзида қамраб олади:

- 1) *Ўкув дастури профилини яратиши (мақсадларини белгилаш);*
- 2) *Кредитларни модуллар бўйича тақсимлаши;*
- 3) *Ўкув дастурини талабалар ва бошқа манфаатдор томонларга етказishi.*

Қуйида ҳар бир босқичининг ўзига ҳос жиҳатлари хақида қисқача тўхталиб ўтамиз.

А) ЎҚУВ ДАСТУРИ ПРОФИЛИИ ВА ЎҚИШ НАТИЖАЛАРИИ ИШЛАБ ЧИҚИШ

ECTS кредит-модуль тизимида фаолият юритувчи ҳар бир ОТТ кредит-модуль тизимига ўтишни ўзининг ҳар бир ўкув дастури профилини яратишдан бошлайди. Дастур профили одатда макси-

мум 1-3 вароқдан иборат ёзма баёнот бўлиб, у асосан қўйидаги саволларга жавоб бериши керак.

- 1. Ўқув дастури доирасида қандай мутахассис тайёрланади?**
- 2. Ўқув дастури қайси таълим даражасини беради?**
- 3. Талабалар дастур давомида қандай ўқиши натижаларига эришади?**

Қисқача айтганда, ОТТ ўқув дастури профили бу дастур ҳакидаги асосий маълумотлар ва мақсадлари тафсилотларидан ташкил топған. Уни сафарга кетаётган одам сафар манзили, сафарни нимада амалга ошириши, сафардан кўзланган мақсадларини олдиндан белгилаб олишига қиёслаш мумкин. Зеро, инсонлар одатда бундай масалаларга аниқлик киритмасдан сафарга чиқмайди.

Худди шундай, ОТТлар ҳам ўзларининг ҳар бир ўқув дастури ўз профилига эга бўлишини таъминлашлари керак бўлади. Ўқув дастури профилини яратиш ҳозирда мазкур соҳа битирувчилари билиши, тушуниши ва қила олиши зарур бўлган асосий билим, кўникумга ва маҳоратлар кўламини аниқлашдан бошланади.

ОТТ ўз ўқув дастурлари профилларини ишлаб чиқишида дастурниг манфаатдор томонлари: ўқитувчилар, асосий иш берувчи ташкилотлар, акредитация идоралари, дастур битирувчилари (*alumni*), талабалар вакиллари орасида сўровлар ўтказиш, уларни фикрларини эътиборга олиши зарур. Зеро иш берувчи ташкилотлар ўзлари келажакда ишга оладиган битирувчилар қандай билим ва кўникуммага эга бўлиши кераклигини, дастурни аввал битирганлар улар дастурда аввал ўрганган қайси билимлар амалиётда кўл келганлиги, қайсилари кўл келмаганлигини, ўқитувчилар дастурдаги фанларнинг илмий ва назарий аҳамиятини, талабалар вакиллари эса талабаларнинг ҳозирги таълим эҳтиёжлари ҳақида ОТТ маъмуриятидан кўра яхшироқ тушунчага эга.

Мисол: Ҳуқуқшунослик йўналиши бўйича бакалавр даражасини берувчи ўқув дастурини тахминий ўқиш натижалари:

- 1. Ҳукуқнинг асосий ва айрим соҳалари бўйича умумий билимга эга бўлиш;**
- 2. Ҳукуқий меъёрларни турли манбалардан излаб топиш ва уларни таснифлай олиш;**
- 3. Ҳукуқий меъёрларни таҳлил қилиш ва уларни ҳаёттый муаммога қўллай олиш;**
- 4. Ҳукуқ меъёrlаридағи ноаниқлик ва номутаносибликларни аниqlay олиш;**
- 5. Ҳукуқий хужжат, шартнома, ахборот, фикр ва хатларни ёза олиш;**
- 6. Ҳукуқий масала бўйича оғзаки ахборот ва тақдимотлар қила олиш;**
- 7. Ҳукуқни бошқа соҳалар билан boglai олиш;**
- 8. Мижозни тинглаш, у билан мулоқотга кира олиш;**
- 9. Ҳукуқ ва касб этикаси қоидаларини тушуниш ва уларни кўрсата олиш;**
- 10. Ижтимоий, жинсий, ирқий ва диний тенгликни тушуниш ва ҳурмат қилиш;**
- 11. Бошқалар билан ҳамкорликда қилиш ва гурӯҳда ишлай олиш;**
- 12. Танқид қилиш ва танқидни қабул қила олиш.**

Ўқув дастури профилини яратиш дастурда ўргатиладиган фанлар, машғулотлар, модуллар рўйхатини белгилаб олиш учун ҳам жуда катта аҳамиятга эга. Чунки дастурда қандай файлар ва модулларнинг бўлиши дастур профилидан келиб чиқиб белгиланади. Профилнинг мавжудлиги, ундаги мақсадларнинг аниқлиги ўқув дастурига факат дастур максадларига мос фан ва машғулотлар киритилишига, унга номутаносиб фанлар эса дастурдан чиқарилишига хизмат қиласи. Бўлғуси талабалар ҳам дастур профили ёрда-

мида дастур давомида ўзларида қандай жиҳатлар шаклланиши хақида тушунчага эга бўладилар ва шу «харита» асосида ҳаракат киладилар.

Ривожланган давлатлар ОТТлари ўзларининг ҳар бир ўқув дастурлари бўйича профилига эга ва буни уларнинг веб саҳифаларида кузатиш мумкин.

В) КРЕДИТЛАРИН МОДУЛЛАР БЎЙИЧА ТАҚСИМЛАШ ҚОИДАЛАРИ


ОТТ ўқув дастурлари профиллари яратилгандан сўнг ундаги фанлар ва машғулотлар рўйхати шакллантирилади. Дастурдаги фанлар бир нечта модулларга ажратилади ва уларнинг ҳар бирига тегишли миқдорда кредитлар тақсимланади. Кредитларнинг ҳар бир модуль бўйича тақсимоти унда кўзланган ўқиши натижаларига эришиш учун талаба тахминан қанча ўқиш юкламасини бажариши кераклигига караб белгиланади. Бунда ўқиш юкламалари миқдори уларни бажариш учун ўртача талаба тахминан қанча вақт сарфлаши ҳисобга олинади. Эслатиб ўтамиз, ECTS кредит-модуль тизимида 1 кредит 25-30 соат ўқиш юкламасига teng.

ECTS тизимида кредитларни ўқув дастурлари, ўқув йиллари, семестрлар бўйича тақсимоти олдиндан белгилаб кўйилган. Яъни, ОТТлар ўқув дастурлари, ўқув йили ёки семестрлар бўйича аник белгиланган кредитлар миқдорини ўзларича белгилай олмайдилар. Бу бўйича аник қоидалар мавжуд.

Кредитларни дастурлар бўйича тақсимлаш. Кредитларнинг ўқув дастурлари бўйича тақсимоти ҳар бир давлатнинг олий таълим даражалари кўламига караб амалга оширилади. Ўзбекистон Республикаси олий таълим тизимида ECTS тизимида фаолият юритадиган ОТТларда бу тақсимот бакалавриат учун 240, магистратура учун 120 кредит, докторантурда дастурлари хусусиятларидан келиб чиқиб, турлича белгиланиши мумкин. Бу тақсимот қоидаларини куйидагича тасвирлаш мумкин:

Дастуриар	Йиллар	Кредитлар
Бакалавр	4 йил	240 кредит
Магистратура	2 йил	120 кредит
Докторантура	турлича	турлича

Кредитларни йиллар ва семестрлар бўйича тақсимлаш. Кредитларнинг ўқув йиллари ва семестрлар бўйича тақсимоти қўйидагича амалга оширилади: 1 йил = 60 кредит, 1 семестр = 30 кредит. Лекин бир ўқув йили 2 эмас, балки 3 семестрдан иборат ўқув дастурларида 60 кредит 3 та тенг қисмлардан иборат бўлади.



Кредитни модуллар бўйича тақсимлаш. Кредитларни модуллар бўйича тақсимлаш ОТТлар томонидан, айрим холларда эса тегишли факультетлар томонидан амалга оширилиб, ОТТнинг тегишли кенгашида тасдиқланади.

Кредитлар тақсимоти асосай икки усулда амалга оширилади:

- Модуляр тақсимот;
- Модуляр бўлмаган тақсимот.

Ушбу кредитлар тақсимоти усулларининг ҳар бири ўзига хос афзаллик ва нокулийликларга эга.

Модуляр тақсимот. Модуляр тақсимот усулида кредитлар модуллар бўйича стандарт сонларда тақсимланади. Бунда ОТТдаги барча фанлар, масалан 5, 6 ёки 7.5 кредитларда тақсимланиши, мумкин. Кредитларни модулларга бутун сонларда тақсимланади лекин айрим ҳолларда кредитлар истисно тариқасида каср сонларда (.5) ҳам тақсимланиши мумкин (масалан ўқув дастури бир семестр учун 4 та модуль режалаштирганда). Бундан бошқа ҳолатларда кредитларни каср сонларда тақсимлаш тавсия этилмайди.

Модуляр тақсимотда белгиланган кредитларни ўқиш юкламаси ва семестр ўқув дастуридаги фанлар сонига қараб асосан 5, 6 ёки 7.5 кредитларда тақсимлаш мумкин. Бунда 5-кредитлик тақсимотда бир семестрда 6 та модуль, 6-кредитлик тизимида 5 та, ва 7.5-кредитлик тақсимотда эса 4 та модуль ўтилади. Уларнинг ўқиш юкламалари тахминан куйидагича бўлади:

5-Кредит	6-Кредит	7.5-Кредит
<ul style="list-style-type: none">• 125-150 умумий юклама соатлари• 50-60 аудитория соатлари• фанлар сони: 6 ($5*6 = 30$)	<ul style="list-style-type: none">• 150-180 умумий юклама соатлари• 60-72 аудитория соатлари• фанлар сони: 5 ($6*5 = 30$)	<ul style="list-style-type: none">• 187.5-225 умумий юклама соатлари• 75-90 аудитория соатлари• фанлар сони: 4 ($7.5*4 = 30$)

Модуляр тақсимотни усулини яна кредитлар тақсимотининг *тепадан пастга ўйналтирилган*, яъни «*top-down*» усули деб ҳам аталади. Чунки бундай усулда кредитларнинг модуллар бўйича тақсимоти ўқув дастурининг профили, унинг умумий максадларидан келиб чиқсан ҳолда белгиланади.

Модуляр тақсимотнинг афзаликлари сифатида қуйидагиларни санашимиз мумкин. Модуляр тақсимотда кредитлар барча фанлар бўйича стандарт сонларда амалга оширилганлиги учун мувоза-натли ўқув дастури ва ўқиш жадвали юзага келади. Бу тақсимот имтиҳонлар жадвалида имтиҳонлар кўпайиб кетишининг ҳам олдни олади. Бундан ташкири, модуллар тақсимотга асосланган ўқув дастурларига асосланган ОТТларда талабалар ўзлари ўқиётган факультетидан бошқа факультетлардан ҳам танлов фанлари ўрганишлари осонлашади. Чунки университетнинг барча факультетлари стандарт тақсимот коидалари асосида фаолият юритса, талаба бошқа факультетда кўлга киритган кредитларини ўз ўқув дастурига ўтказиши осон бўлади. Бу усул мамлакат ОТТлари ва халкаро даражадаги ўзаро талабалар алмашинуви ёки ўқишни кўчириш масалаларига ҳам ижобий таъсир кўрсатиши мумкин.

Модуллар тақсимотнинг нокулайликлари шундан иборатки, унда факультет ёки ўқитувчиларнинг академик эркинлиги маълум даражада чекланади. Чунки ҳар бир факультет ёки ўқитувчи ўзи ўқитадиган фанлари учун ўзи хоҳлаганча етарли микдорда кредитни тақсимлаш имконига эга эмас, ҳатто фан юкламаси шуни такозо этса ҳам. Бундай ҳолатларда ўқиш юкламаси катта бўлган фанлар бир нечта қисмларга/модулларга бўлиб, яъни дастурга алоҳида давомли фанлар тариқасида киритилади (Масалан, математика И, математика ИИ).

Хозирда, ECTS тизимида фаолият юритадиган қўп хорижий давлатларда кредитларнинг фан ва модуллар бўйича тақсимоти 5, 6, 7.5 кредитни ташкил этади. Бунда нима учун кредитлар айнан шу комбинацияларда тақсимланаяпти деган савол туғилиши мумкин. Кредитларни бу микдорларда тақсимлаш талабага семестр давомида 6, 5 ёки 4 та модуль ўқиш имконини яратади. Қолаверса, бу сонлардаги кредитларни бошқа кредит-модуль тизимларига конвертация килиш ҳам анча осон кечади. Масалан, 6 ECTS кредитли модуль одатда Америка университетларининг 3 кредитлик модулларига, Буюк Британия университетларининг 12 кредитли модулларига тенг.

Модуллар бўлмаган тақсимот. Модуляр бўлмаган тақсимот усулида кредитлар ўқув дастуридаги ҳар бир модульга турлича миқдорларда тақсимланади (масалаи, 3, 4, 5, 6, 7, 8, 9, 10, 15). Тақсимотнинг бу усули афзаликлари кўйидагича. Унда кредитларни файларнииг аҳамияти ва юкламаларига қараб турлича соиларда тақсимлаш имконияти мавжуд. Модуляр бўлмаган тақсимот усули кредит тақсимотининг *настдан тепага йўналтирилган*, яъни «*боттом ап*» (*bottom up*) усули деб ҳам аталади. Бунинг сабаби бундай тақсимотда асосий эътибор фан ва модулларнинг ўқув дастуридаги аҳамиятига қаратилади ва тақсимот шу марказдан бошланади.

Модуляр бўлмаган тақсимот усулинииг нокулайликлари кўйидагича. Унда баъзи фанлар ўқув дастурида ҳукмронликни кўлга киритиши мумкин. Чунки одатда ҳар бир ўқитувчи ўз фанларини ўқув дастурида тутган ўрнига юкори баҳо беради. Бу нуфузли ўқитувчилар фанларига кўпроқ кредитлар тақсимланишига, бунинг натижасида бошқа файлар учун белгиланган кредитлар миқдорининг камайиб кетишига олиб келиши мумкин. Шунинг учун модуллар бўлмаган тақсимотга асосланган ўқув дастурлари ўкиш жадвалларида мувозанат йўқолиши мумкин.

C) ТАНЛОВ ФАНЛАРИ

Кредит-модуль тизимининг яна бир ўзига хос хусусиятларидан бири бу ўқув дастурида танлов фанларининг бўлишилигидир. У талабага йўналтирилган таълимнинг асосий хусусияти. Бунда талаба ўқув дастури учун белгиланган кредитларининг бир кисмини мажбурий фанларни ўрганиш хисобидан, қолган қисми эса танлов фанларини ўрганиш хисобидан жамғариш имкониятига эга бўлади. Масалан, талаба бакалавр дастурини тамомлаши учун 240 кредит жамғариши кераклигини хисобга олсак, у ушбу кредитларнинг 50 фоизини (яъни 120 кредитни) мажбурий фанлар хисобига, қолган 50 фоизини эса (120 кредит) танлов фанлари хисобига жамғариши мумкин.



Танлов фанлари бу муайян ўқув дастури доирасида талаба ўзининг хоҳиши, кизикишлари, келажак режалари асосида танлаш ва ўрганиш имкониятига эга бўлган фанлардир. Бунда ОТТ томонидан талабаларга муайян ўқув йили давомида ёки бутун ўқув дастури давомида ўрганишн мумкин бўлган танлов фанлари рўйхати тақдим этилади ва талабалар ушбу рўйхатдан ўzlари кизиккан фанларни танлайдилар ва ўрганадилар. Лекин талаба танлаган фанлар кредитларининг умумий миқдори ўша ўқув йилида танлов фанлари учун ажратилган кредитлар миқдорига мос келиши зарур. Масалан, дастурда муайян ўқув семестрида талаба 18 кредитни танлов фанлари ҳисобига жамғариши белгиланган ва ҳар бир танлов фани 6 кредитда акс этган бўлса, талаба мазкур семестрда 3 та танлов фанини ўрганади.

Танлов фанлар одатда талаба муайян таълим соҳасининг муайян йўналиши бўйича чуқуррок билим олишига хизмат қиласи. Кредит-модуль тизимида талабаларнинг таилов ҳукукини икки турга ажратиш мумкин:

- **Чекланган танлов ҳуқуки.** Бунда талабаларга ҳар бир үқув йили бүйича фанлар таиловини амалга ошириши учун жуда чекланган миқдордаги танлов файлари рўйхати берилади ва улар шу рўйхатдан белгиланган миқдордаги кредитларга мос равишда фанларни танлайди. Масалан, талабаларга 3 та танлов фанларидан иборат рўйхат тақдим қилиниб, рўйхатдан 2 та фанни танлаш имконияти берилиши мумкин. Кўриб турганингиздек, бунда талабанинг танлов имконияти анча чекланган бўлади. Бундан ташқари талаба айнан қайси курсда қайси танлов фанларини ўрганиши мумкинлиги ҳам олдиндан белгилаб қўйилиши мумкин. Бу ҳам чекланган танлов ҳуқуқига хос амалиётдир.
- **Чекланмаган танлов ҳуқуки.** Бунда талабага дастур давомида талаба ўрганиши мумкин бўлган нисбатан анча кенг сонли танлов фанлари рўйхати тақдим этилади ва талаба бу рўйхатдан ҳар бир семестр учун белгиланган танлов фанлари кредитлар миқдоридан келиб чиқсан ҳолда танловни амалга оширади. Талабага одатда қайси фанни қайси курсда танлаши мумкинлиги бўйинча чеклов қўйилмайди. Лекин талабанинг танлов фанларидан жамғарган кредитлар миқдори семестрда танлов фанлари учун белгиланган кредитлар миқдоридан камайиб ёки кўпайиб кетмаслиги зарур. Лекин бунда талабаларнинг танлов ҳуқуки мутлок (абсолют) эмас. Айрим танлов фанлари талаба мазкур фанларни бошлашдан аввал бошқа бир фанни тугаллашинн талаб қилиши мумкин (prerequisite). Масалан, Халқаро Солик Ҳуқуки фани қоидаларида талаба ушбу фанни бошлашдан аввал у Корпоратив Солик Ҳуқуки фанини ўрганиши кераклиги белгилаб қўйилган бўлиши мумкин. Бунда талаба шу шартни бажаргандан сўнггина Халқаро Солик Ҳуқуки фанини танлаш ҳуқуқига эга бўлади. Буни кредит-модуль тизимида прогрессия қоидалари деб аталади. Чекланмаган танлов ҳуқуки асосидаги үқув дастурларида талабага маълум миқдордаги кредитларни бошқа факультетларда ҳам тўплашига ҳам йўл қўйилади.

Хозирги боскичда, мамлакатимиздаги маҳаллий ОТТлар учун кредит-модуль тизими умуман янги тизим. Уларда кредит-модуль тизимига ўтишнинг дастлабки боскичларида танлов фанлари амалиётини чекланган танлов ҳукуқи асосида жорий қилишлари мантиқий қадам бўлса ажаб эмас. Лекин кейинчалик ОТТ чекланмаган танлов ҳукуқига асосланган амалиётни жорий этишлари мақсадга мувофиқ. Нима бўлгандан ҳам талабаларга тақдим этиладиган танлов фанлари рўйхати уларниг танлов ҳукукларини деярли йўққа чикарадиган даражада чекланган бўлмаслиги зарур. Буни қуйидаги мисол билан тушутиришга ҳаракат киламиз.

Тасаввур килинг, сиз ўзингизга кўйлак олиш ниятида кийим дўконига кирдингиз ва бу худуддаги ягона кийим дўкони. Сизнинг кўйлак ўлчамингиз «L». Афсуски дўконда фақат «S», «M» ва «XL» ўлчамидаги кўйлаклар бор. Умуман олганда сизда танлов мавжуд, лекин мавжуд кийимларнинг ўлчамлари сизнинг хоҳиш ва эҳтиёжингизга тўғри келмайди. Худди шундай ҳозирда айрим ОТТ үқув дастурларида танлов фанлари кўлами жуда чекланган бўлниб, улар баъзида талабага 2 та фан рўйхатини тақдим қилиб, рўйхатдан 1 та фанни танлаш имконияти берилмоқда. Бундай ҳолатда талабаларга берилган танлов ҳукукини том маънодаги танлов ҳукуки дейиш қийин. Бу муаммонинг ечими талабаларнинг мутахассислиги ва уларнинг үкиш боскичларига мос равища танлов файларни сонини кенгайтиришdir.

Яна шуни таъкидлаш керакки, талабалар ўз танлов ҳукукларини тўлақонли амалга ошириш учун уларга үкиш бошлангандаи сўнг танловни амалга ошириш учун муайян муддат вакт берилади. Танлов муддати одатда үкиш бошланган кундан бошлаб 2 ҳафтагача этиб белгиланади. Талаба бу давр мобайнида рўйхатдаги танлов фанларидан ўзи хоҳлаганларига кириб, уларни кузатиш, ўз қизиқишиларига тўғри келиш-келмаслиги ҳакида хулоса қилиш имкониятига эга бўлади ва белгиланган муддат ичida якуний қарор қабул қиласади. Талаба шундан сўнг ўзининг якуний танлов фанлари рўйхатини факультет маъмуриятига тақдим қиласади.

Хар бир таълим соҳаси ўзининг базавий фанларига эга. Бундай фанлар талабанинг мутахассис бўлиб шаклланиши, мутахассисликка оид бошқа фанларни тушунишида муҳим аҳамиятга эга. Масалан, ҳуқук факультети талабалари учун Давлат ва Ҳуқук Назарияси, Конституциявий Ҳуқуки, Шартиома Ҳуқуки, Мулк Ҳуқуки, Жиноят Ҳуқуки каби фанлар, иқтисодиёт факультети талабалари учун эса Амалий Математика, Иқтисодиёт Асослари, Макроиктисодиёт, Микроиктисодиёт каби файлар базавий фанлар сирасига киради. Бундай фанлар тегишли факультетнинг ҳар бир талабаси учун муҳим ва одатда ўқув дастурларнинг дастлабки семестрларида ўқитилади. Шунинг учун ўқув дастурининг дастлабки семестрларида танлов фанлари микдори анча чекланган ёки дастур фақат мажбурий фанлардан иборат бўлиши мумкин.

Лекин талаба юқори курсга кўтарилгани сари ўқув дастурида танлов файлари учун ажратилган кредитлар микдори кўпайиб бориши зарур. Бунинг сабабларини куйидагича изоҳлаш мумкин. Талаба соҳага оид базавий фанларни ўзлаштиргандан сўнг унда соҳанинг муайяи йўналиши бўйича чуқуррок билим эгалашга қизиқиш ва эҳтиёж пайдо бўлиши мумкин. Талаба курсдан-курсга ўтган сари у мутахассис сифатида шаклланиб бориб, унда ўзи учун ўзи танлов қилиш кўникмаси шаклланиб боради. Қолаверса, танлов ҳуқуки талабаларни ўз қизиқишлари, келажакдаги фаолият йўналишлари хақида бош қотиришга унди.

Ва ниҳоят, кредит-модуль тизимида талабалар танлов фанини ўз факультетидан бошқа факультетларда ҳам олиш имкониятига эга бўлишлари керак. Ёдингизда бўлсин, айрим мутахассисликлар учун соҳалараро билимлар катта аҳамиятга эга бўлиши мумкин. Лекин бунда факультетнинг кредит-модуль тизимига тааллукли қоидалари талаба қайси курсда канча микдоргача кредитларни бундай фанлардан жамғариши мумкинлигини белгилаб қўйиши керак. Масалан, факультет кредит-модуль қоидалари талаба 1-курсии тамомлагандан сўнг юқори курслар давомида максимум 12 кредитни бошқа факультетларда олинган фанлар хисобига

жамғариши мумкинлигини белгилаб қўйиши мумкин. Лекин бунга одатда деканнинг рухсати билан йўл қўйилади.

Талаба танловни танлов фанлари рўйхатидан ўз хоҳишига кўра амалга ошириши мумкин, лекин у барибир дастур сўнгига кадар белгиланган миқдордаги кредитларни танлов фанлари хисобига жамғариши зарур.

D) ПРОГРЕССИЯ ҚОИДАЛАРИ

Бизга маълумки, университетда ўтиладиган кўпгина фанлар ва модуллар бир-бирига боғлиқ, бир соҳага тегишли бўлсада, улар ўз мураккаблик даражасига кўра (complexity level) бир-биридан фарқланиши мумкин. Фанлар ўз *даражаларига кўра* куйидаги тоифаларга бўлиниши мумкин:

- *Бошлангич даражадаги фанлар (Basic level courses);*
- *Ўрта даражадаги фанлар (Intermediate level courses);*
- *Юқори даражадаги фанлар (Advanced level courses);*
- *Махсус даражадаги фанлар (Special level courses).*

Фанлар одатда шу тарзда ўз даражасига қараб ОТТ ўқув дастурларида изчиллик асосида жойлаштирилади ва ўқитиб борилади. Талаба семестрдан-семестрга, курсдан-курсга ўтгани сайин, дастурдаги фанлар ўз даражасига кўра мураккаблашиб, махсуслашиб боради. Бунда бир фанни ўрганиш талабадан аввал ўша фанин тушунишга хизмат қиливчи бошқа фанни ўзлаштиришни тақозо қилиши мумкин. Масалан, талаба ўқиши давомида иқтисодиёт фанининг бир нечта даражаларини ўрганиши мумкин: Иқтисодиёт асослари (Foundations of Economics), Иқтисодиёт II (Intermediate Economics), Иқтисодиёт III (Advanced Economics), Макроиқтисодиёт (Macroeconomics), Микроиқтисодиёт (Microeconomics). Одатда талаба Макроиқтисодиёт фанини яхшироқ тушиши учун у аввал Иқтисодиёт асослари фанини ўзлаштириш талаб этилиши мумкин. Буни ғарб университетларида «course prerequisite» деб аташади, яъни талаба Иқтисодиёт асослари фанини бошлиши учун аввал Макроиқтисодиёт фанини тугаллаши керак бўлади. Бундан

ташқари ОТТлар кредит-модуль тизимида ўтгандан сүнг уларнинг ўқув дастурига жуда кўп танлов фанлари ҳам кириб келади. Бунинг натижасида ўқув дастурда фанлар ўз *турларига қўра* мажбурий ва танлов фанларига ажрайди.

Муаммо шундаки, ўқув дастуридаги фанларнинг бу жиҳатларини (фанларнинг даражаларини, изчиллигини, бир фаннинг бошқа фан билан боғлиқлигини, турларини) шунчаки, фанларнинг номларига қараб тушуниш қийин. Юқорида таъкидлаганимиздек, ECTS кредит-модуль тизмининг асосий тамойилларидан бири бу таълимни шафоф тарзда ташкил этишdir. Шундай экан, ўқув дастуридаги фанларнинг бундай изчиллигини, бир фаннинг бошқа фан билан боғлиқлиги турлари тўғрисидаги маълумотларни талабаларга қандай қилиб шафоф ва қулай усулда етказиш мумкин?

ECTS кредит-модул тизимида бу мақсадларга фанларни мантиқий равишда кодлаштириш орқали эришишга ҳаракат қилинади. Бунда фанларнинг ўз даражаси ва у ҳақдаги бошқа маълумотларни ифода этувчи белги (Level descriptor) ва фаннинг турнин билдирувчи белги (Type descriptor) кодларни жорий этиб, уларни таснифлаб чиқилади. Фанларнинг даражасига қўра уларни **100, 200, 300, 400 ва ҳоказо даражадаги фанларга** ажратиб шу асосда уларнинг кодларини яратиш мумкин. Фан кодида уни мажбурий ёки танлов фани эканлигини билдирувчи бирор-бир белгини кўрсатиш ҳам талаба учун жуда фойдалидир (масалан фан кодида мажбурий фанлар учун M (мажбурий), танлов фанлари учун T (танлов)). Бундан ташқари фанга ажрагилган кредитлар микдорининг ҳам фан кодида акс этиши талабалар учун тезкор усулда маълумот етказиншга хизмат киласи.

Масалаи, Жиноят Ҳуқуқи ва Фуқаролик Ишларини Судда Кўриш фанларини куйидагича кодлаш мумкин: **Жиноят Ҳуқуқи – ЖИНҲМ 2006, Фуқаролик Ишларини Судда Кўриш – ФИСКТ 4006**. Бунда дастлабки тўртта ҳарф фаннинг ўзига хос коди, кейинги «M» ёки «T» ҳарвлари фанларнинг турлари, 200 ва 400 рақамлари фанларни даражасини англатади, охирги 6 рақами эса ушбу фанларга ажратилган кредитлар сонини англатади.

■ Жиноят Ҳуқуқи



Қарабсизки, юқоридаги мисолда талаба фаннинг кодига қараб туриб, тезкор ва қулай тарзда ўзига керакли бўлган учта маълумотни олиши мумкин: 1) фаннинг даражаси ҳақидаги маълумот, 2) фанни мажбурий ёки танлов фани эканлиги ҳақидаги маълумот, 3) фанга ажратилган кредитлар микдори тўғрисидаги маълумот.

Фанларнинг бу тарзда кодлаштирилиши, ўқув дастурини бошқаришни, фанларни рўйхатга олиш электрон тизимиини бошқаришни ҳам осонлаштиради. Ва ниҳоят, ОТТ ўқув дастуридаги фанларнинг бу тарзда кодлаштириш қоидалари, коддаги ҳар бир элемент маъноси ўқитувчи ва талабаларга ўқув йилининг дастлабки кунларида етказилиши зарурdir.

E) ФАН ДАСТУРИ

ECTS тизимида ўқув дастуридаги ҳар бир фанни ўқитишга ҳозирланётган ўқитувчи даставвал ўзининг фан дастури «syllabus»ига эга бўлиши тавсия этилади. Фан дастури бу фаннинг «йўл харитаси» бўлиб, у талабага фан ҳақидаги энг муҳим маълумотларни беради. Фан дастури шакли ва таркиби турлича бўлиши мумкин, лекин у энг камидаги масалаларни ўзида қамраб олиши керак:

Фан дастурини ишлаб чиқиш учун ўқитувчи ўзига асосан куйидаги саволларин бериши ва уларнинг жавобларини қоғозга туширишинииг ўзи кифоя қиласди:

1. Мен талабаларга ўргатмоқчи бўлган фан қисқача айтганда нималар ҳақида? (Бу савол жавоби ўқув дастурининг фан тавсифи қисмиин шакллантиришда ёрдам беради. Фан тавсифи одатда 1-2



хатбоши, 60-70 сўзлардан иборат бўлган ёзма баёнотдир. У аник ва тушуниш осон бўлган тилда ёзилади).


2. Фан натижасида талабалар қандай билтим ва кўнинкамларга эга бўлишини хоҳгайман ва бунинг натижаси ўлароқ талабалар ўзларининг ижтиёмий ва касбий фаолиятларида нималарни қила олади? (Бу саволларнинг жавоби ўқитувчига фаннинг ўкиш натижаларини (фан максадларини) ишлаб чикишга ёрдам киласи. Ўқитувчи бунда ўз жавобларини кисқача рўйхат шаклида шаклантиради. Ўқитувчи юкоридаги савол орқали ўкиш натижаларини аниклаб олгандан сўнг семестр давомидаги барча харакатларини мана шу мақсадларга эришишга қаратади).

3. Талабалар юқорида кўзланган ўқиши натижаларига эришиши учун нимани қанча миқдорда ўрганиши керак? (Бу саволнинг жавоблари ёрдамида ўқитувчи мавзулар рўйхати ва фойдаланиладиган адабиётлар рўйхатини, кредитлар миқдорини белгилashi мумкин. Бу рўйхатни фан дастури орқали талабага олдиндан берилиши уларни мавзулар бўйича олдиндан тайёрланиб боришларига хам ёрдам беради).

4. Талабалар юқорида кўзланган мақсадларга эришган ёки ўйқутигини қандай усул ва мезонлар асосида текшириши мақсадга мувофиқ бўлади? (Бу саволнинг жавоблари ўқитувчига фан бўйича имтиҳон усули ва мезонларини танлашга ёрдам беради).

Фаннинг (а) ўқиши натижалари, (б) ўқиши юкламалари ва (с) фан бўйича синов ва имтиҳонлар орасида мутаносиблик бўлиши жуда муҳим масала. Кредит-модуль тизимиининг бу уч элементи орасида мутаносибликни таъминлашдан кўзланган максад жуда оддий: ўқитувчи маълум ўқиши натижаларини белгилаган холда талабаларга шу натижаларга эришишга қаратилмаган бошқа мавзуу, машғулотларни ўргатиши тўғри эмас. Ёки талабаларга муайян бир мавзуларни ўргатмаган холда, уларни ушбу мавзулар бўйича синов ва имтиҳон килишга ҳам ҳакли эмас. Ундан ташқари, ўтказиладиган синов ва имтиҳонлар тури ва моҳияти кўзланган ўқиши натижаларига мос келиши керак.

Масалан, ўқитувчи фаннинг ўқиши натижалари сифатида соҳавий муаммоларни таҳлил қилиш, жамоада ишлаш, тақдимот қилиш каби кўнікмаларни қайд этган холда, семестр давомида дарсларни факат маъруза шаклида ўтказса ва семестр сўнгидаги талабаларни факат тест шаклида имтиҳон килса, бунда ўқиши натижалари, ўқиши юкламалари ва имтиҳон тури ўртасидаги номутаносибликни кузатиш мумкин. Чунки, талабада соҳавий муаммоларни таҳлил қилиш кўнікмаси маъруза ёки семинар шаклидаги дарсларда шаклланмайди. Талабаларда соҳавий муаммоларни таҳлил қилиш кўнікмасини шакллантириш учун ўқитувчи улар билан мунтазам шундай турдаги машғулотларни ўтказиши зарур. Қолаверса, талабаларни жамоада ишлаш, тақдимот қилиш кўнікмаларини эгаллаган эгалламаганлигини уни «тест» усулидаги имтиҳон орқали аниқлаб



бўлмайди. Бунинг учун ўқитувчи талабаларни турли хил жамоавий лойиҳаларга жалб қилиши, улар билан жамоавий машғулотлар бажариши керак бўлади.

Таълим соҳасидаги сўнгги изланишлар таълимнинг энг муҳим элементи бу қўлга киритилган билимни қўллай олиш маҳорати эканлигини исботламоқда. Бу изланишлар натижаси ўқитувчи дарс вақтидан унумлироқ фойдаланишга, дарс жараёнини маъруза шаклида эмас балки ўрганишнииг фаол усусларидан фойдаланган ҳолда ўтказишларига чорлайди. Қолаверса, талаба билимини қўллаш имкониятига эга бўлмаса, уни тез кунларда унутади.

Бошқача айтганда ўқитувчи олдиндан тақдим қилса талабалар уйда ўқиб келиши мумкин бўлган материални ёки аллақачон талабаларнииг қўлида мавжуд бўлган китобдаги матнни уларга дарсда яна ўқиб ёки айтиб бериш қай даражада самарали? Ундан кўра ўқитувчи талабаларга ушбу материални уйда ўқиб келиш учун бериб, дарс вақтини ушбу материал бўйича муҳокамаларга ёки талабалар материалда ўргаиган билимларини реал ҳаётдан олинган муаммога қўллашга сарфласа, талабанинг аудитория вақти самаралирок ўтмайдими? Буидан ташқари ўқитувчи аудитория вақтини «кейс стадий» (case study) машғулотларга сарфлаши мумкин. Таълим беришнииг айнан шу усуслари талабада мустақил ўкиш, танқидий фикрлаш, ўз билимларни муаммоларга қўллаш, мунозарага кириш, жамоада ишлаш каби кўникмаларни шаклланиши мумкин.

F) МАЪЛУМОТЛАРНИ ТАЛАБАЛАРГА ЕТКАЗИШ

ECTS кредит-модуль тизимининг асосий талабларидан яна бири бу ОТТлар юқорида келтирилган барча маълумотларни (дастури каталоги, фан дастурлари) ва талабалар учун муҳим бўлган барча маълумотларни талабаларга тўлиқ ва тушунадиган тилда тақдим этишдир. Бу каби маълумотларни ўзида акс эттирадиган энг асосий материаллардан бири бу дастур каталоги (китобчаси) хисобланади. Бунда ОТТ ўзининг ҳар бир ўқув дастури бўйича дастур каталогини, яъни китобчасини ишлаб чиқиб, уларни бўлғуси ва амалдаги

талабаларга тақдим этади. Дастур каталогини талабаларнинг «йўл харитаси» десак тўғри бўдади. У талабаларга уларни ўқув дастур давомида нималар кутаётгандиги, дастур шарт-шароитлари ҳақида асосий маълумотларни беради.

ECTS кредит-модуль тизими дастур каталогида куйидаги маълумотлар бўлишини тавсия қилади:

ДАСТУР КАТАЛОГИ (ТАВСИЯВИЙ)

1. Умумий маълумотлар:

- OTT номи ва манзили;
- OTT ҳақида қисқача маълумот;
- OTT раҳбарияти;
- OTT академик тақвими (календарь);
- OTT дастурлар рўйхати;
- OTTга талабаларни қабул қилиш талаблари, уларнинг рўйхатдан ўтиш тартиби;
- Талабалар алмашинуви доирасида олинган кредитларни эътироф этиш тартиби;
- ECTS кредитлар тақсимоти тамойиллари (қоидалари);
- Академик маслаҳат олиш имконият ва тартиблари.
- ECTS кредит-модуль тизими дастур каталогида куйидаги маълумотлар бўлиши тавсия қилинади:

2. Университет ресурс ва хизматлари

- Талабалар масалалари тузилмаси;
- Ётоқхона имкониятлари;
- Озиқ-овқат сотиб олиш жойлари;
- Яшаш харажатлари миқдори;
- Талабаларни молиявий қўллаб-куватлаш имкониятлари;
- Тиббиёт хизматлари;
- Сугурта имкониятлари;
- Ногирон ва маҳсус эҳтиёжли талабалар учун хизматлари;

- Халқаро талабалар алмашинуви имкониятлари;
- Тил курслари;
- Ишга жойлаштириш имкониятлари;
- Спорт ва ҳордиқ чиқариш жойлари;
- Талабалар ассоциациялари.

3. Дастур тұғрисида маълумотлар:

- Құлға киритиладиган малака;
- Дастур давомийлиги муддати;
- Талаб этиладиган кредитлар сони;
- Эришиладиган таълим даражаси;
- Алоҳида қабул талаблари;
- Аввал құлға киритилган таълимни эътироф этиш бүйича қоидалар;
- Малака талаблари, қоидалари ва битириш талаблари;
- Дастури профили;
- Дастурнинг ўқиши натижалари;
- Дастур тузилмаси диаграмма шаклида (кредитлар билан);
- Ўқиши шакли (кундузги, сиртқи, кечки);
- Имтиҳон қоидалари ва баҳолаш бирліклари;
- Мажбурий ёки ихтиерий талабалар алмашинуви дастурлари;
- Амалиёт талаблари;
- Ишлаб чиқариш амалиётлари;
- Дастур учун масъул шахс;
- Бити्रувчиларнинг касбий профиллари;
- Навбатдаги таълим имкониятлари;

4. Алоҳида фанлар ва ўқиши элементлари тұғрисида маълумотлар

- Модуль коди
- Модуль номи;
- Модуль тури (мажбурий, танлов);

- Модульнинг қайси курсда ўқилиши;
- Модульнинг қайси семестрда ўқилиши;
- Модульга тақсимланган кредитлар сони;
- Ўқитувчи исми-шарифи;
- Модуль ўқиш натижалари;
- Модуль бўйича дарсларни ташкил этиш услуги (аудитория, он-лайн);
- Фанга рўйхатдан ўтиш шартлари;
- Модуль мөҳияти;
- Тавсия ва талаб этиладиган ўқиш материаллари;
- Режалаштирилган ўқув машғулотлари ва ўқитиш услуглари;
- Баҳолаш мезонлари ва услуглари;
- Дарслар ўтиладиган тил.

Дастур каталоги ОТТда ўқув йили бошланишидан анча аввал ишлаб чиқилади ва барча манфаатдор томоилар ўқиши ва юклаб олиши қулаг бўлиши учун ОТТ веб саҳифасида жойлаштирилади. Уни ўқув йили бошланишидан аввалрок чоп этишдан кўзланган яна бир мақсад бу бўлғуси талабаларга ўз танлов хукуқларини амалга оширишда уларга ёрдам бериш. Дастур каталоги ОТТ учун ўз дастурларини маркетинг қилиш воситаси ҳамdir. Шунинг учун ундаги маълумотлар ҳақиқатга тўғри келиши муҳим.

G) АКАДЕМИК МАСЛАҲАТЧИ

Аксарият ёшлар учун талабалик бу бутунлай янги тажриба. Университет ҳаёти, ўқиш қоидалари, талабалик масъулияти ва эркинлик даражаси мактабдагидан кўра тубдан фарқ қиласди. Кимдир университет ҳаёти ва қоидаларига осонлик билан мослашса, кимдадир бу жараён қийин кечади.

Кредит-модуль тизимида талабалар университет қоидалардан тўла хабардор бўлишлари, ўз имкониятларидан тўғри фойданалишларига ёрдам қилиш мақсадида ОТТда, имкон қадар унинг факуль-

тети даражасида академик маслаҳатчи вазифаси ташкнл этилиши мақсадга мувофиқ. Академик маслаҳатчининг вазифалари асосаи куйидагилардан иборат:

- ➔ Ўқув дастури билан боғлик бўлган қоидаларни талабалар орасида тарғиб қилиш;
- ➔ Талабаларнинг қобилияти, имконияти, режаларидаи келиб чиқкан холда уларга ўз ўқув дастури ва жадвалини шакллантириш юзасидан маслаҳатлар бериш;
- ➔ Талабаларнинг ўз шахсий, молиявий ва тиббий ҳолатлари ии бошқариш бўйича маслаҳатлар бериш, ОТТда мавжуд ресурслар ҳақида талабага билдириш;

Кисқача айтганда академик маслаҳатчи ёшларни ўқувчиликдан талабаликка ўтиш даврида ва талабаликда келажакнн режалаштириш бўйича «кўпrik» вазифасини ўтайди. У талабаларга университет қоидалари, у ердаги хизматлар, ўқув дастури, файлар танлови, молиявий ёрдам дастурлари, амалиёт дастурлари ҳақида маълумотларни оммавий ва индивидуал тарзда етказиб боради.

6. КРЕДИТ-МОДУЛЬ ТИЗИМИДА ТАЛАБАЛАРНИ БАҲОЛАШ

А) БАҲОЛАШ БЎЙИЧА АСОСИЙ ҚОИДАЛАР

Талабаларни баҳолаш бу таълим жараёнининг муҳим элементларидан биридир. У талабанинг фан дастурида белгиланган ўқиш натижаларига эришган эришмаганлиги, агар талаба ўқиш натижаларига эришган бўлса уларнинг эришилганлик даражасини ўзида акс эттиради. Қолаверса, баҳолаш талабанинг ўз мутахассислигига, кейинги босқичдаги ўқишиларга, молиявий мукофотларга қай дараҷада муносиблигини ҳам аниқлашда фойдаланилади. Қолаверса иш берувчилар ҳам битирувчининг баҳоларига қараб унга иш таклиф қилиш ёки қилмаслик тўғрисида қарорга келишда фойдаланадилар. Буларнинг барчаси талабаларнинг баҳолаш тизими мақсадли холис, мукаммал ва шаффофф тарзда амалга оширилишини тақозо этади.

ECTS кредит-модуль тизимида талабаларни баҳолаш ма-салаларини З тоифага бўлиш мумкин:

1) Баҳолаш шкаласини/тизимини танлаш. ОТТлар айнан кайси баҳолаш шкаласидан ёки тизимидан фойдаланмоқчи экалигини олдиндан белгилаб олиши зарур.

2) Баҳолар тақсимоти жадвали. ОТТлар баҳолаш тизимини танлаш билан бир каторда мунтазам равишда баҳолар тақсимоти жадвалини ишлаб чиқиш, уни янгила бориш ва уни талабаларнинг диплом иловасида акс эттириши зарур.

3) Grade Point Average/Ўртача баҳолаш балли. ОТТлар хар семестр, ўкув йили ва ўқиш якуни бўйича талабанинг «Grade Point Average» (GPA)» сини ишлаб чиқиши керак. Қуйида ушбу баҳолаш масалаларининг ҳар бирига алоҳида тўхталиб ўтамиз.

Баҳолаш тизими, услуби ва одатлари одатда давлатдан-давлатга фарқ қиласди. Айрим давлатларда баҳолаш ракамларда акс этса (5, 4, 3, 2), бошқаларида ҳарфларда акс этади(A, B, C, D, E, F). Баҳолар ҳарфларда акс эттирилган давлатларнинг айримларида баҳоларга қўшимча тарзда «+» ёки «-» белгилари ҳам қўшилиши мумкин. (масалан A+). Қолаверса ҳар бир университет, факультет ёки ўқитувчининг ўз баҳолаш тартиби (одати) мавжуд. Яъни айрим ўқитувчилар баҳолашга анча саҳийлик билан ёндашса, айрим ўқитувчилар уига анча қаттиққўллик билан ёндашади. Баҳолаш услубидаги бу фарклар талабалар ўртасидаги ракобат муҳитига, баҳоларни бошқа давлатларда ёки ОТТларда тан олинишига ҳам ўз таъсирини ўтказмай қолмайди. *Шунинг учун ECTS кредит-модуль тизими талабаларни баҳолаш тизими маълум минимум меъёрларга амал қилган ҳолда, шаффофттарзда амалга оширилишига алоҳида ургу беради.*

ECTS тизимида баҳолаш тизими қоидалари асосан икки босқичда шаклланган: 1) ECTSнинг 2009 йилгача бўлган даврдаги баҳолаш тизими қоидалари; 2) ECTSнинг 2009 йилдан кейинги даврдаги яъни амалдаги баҳолаш қоидалари. Қуйида улар ҳақида алоҳида тўхталиб ўтамиз.

2009 ЙИЛГАЧА БЎЛГАН ДАВРДАГИ БАҲОЛАШ ТИЗИМИ ҚОИДАЛАРИ

Баҳолаш шкаласи. 2009 йилгача бўлган даврда ECTS кредит-модуль тизими ўзининг талабаларни баҳолаш жадвалига, яъни шкаласига эга бўлган. Ушбу баҳолаш стандарти 7 та ҳарфли баҳолардан (шкаладан) иборат булиб, уларнинг 5 таси ижобий (мусбат), 2 таси эса салбий (манфий) баҳолар эди. ECTS кредит-модуль тизими баҳолаш стандарти қуйидаги жадвалда акс эттирилган:

A	Юқори даражадаги хатосиз натижа
B	Юқори натижа, лекин айрим кичик хатолар мавжуд
C	Яхши натижа, лекин айрим хатолар мавжуд
D	Яхши натижа, лекин айрим салмоқли хатолар мавжуд
E	Натижа минимум талабга жавоб беради
FX	Йиқилиш – кредит тақдим этилиши учун бироз ўқиш зарур
F	Йиқилиш – кредит тақдим этилиши учун анча ўқиш зарур


Ушбу баҳолаш стандарти турли давлатлардаги ОТТлар баҳолаш амалиётини стандартлаштириш максадида ишлаб чиқилган. Кўриб турганингиздек, ушбу тизим баҳолар стандарти мамлакатимиз ОТТлар амалиётидаги баҳолар стандартига қўра баҳолар хилмалиллиги (diversity) билан анча кенгдир. Масалан, ECTS амалиётида 7 та баҳо турлари (A, B, C, D, E, FX, F) мавжуд бўлса, мамлакатимиз ОТТлар амалиётида бор йўғи 4 та баҳо турлари (5, 4, 3, 2) мавжуд. Яъни, ECTS кредит модуль тизими баҳолаш амалиётида баҳолар нисбатан кўплиги туфайли улар талабаларнинг билим ва салоҳиятларидаги фарқларини анча мукаммал тарзда акс эттира олади.

Ундан ташқари, ECTS баҳолаш стандартида баҳолар икки гурухга ажратилган: ўтиш баҳолари (A, B, C, D, E) ва йиқилиш баҳолари (FX, F). Юқоридаги жадвалда бу қизил чизик билан ажратилган. Бунда, ҳатто йиқилиш (манфий) баҳонинг ҳам икки тури мавжуд: FX ва F. Йиқилиш баҳолариннинг ҳам бу тарзда иккига ажратилиши фандан йиқилган талабаларга уларнииг билим даражаси ва ҳолати ҳақида тўлиқрок маълумот бериш имкоиниятини яратади. Яъни ECTS баҳолаш тизими имтиҳон ёки машғулотдан йиқилишнинг ҳам жиддийлигига қараб турли даражалари мавжудлигини англатади. Бу имтиҳондан йиқилган талабалар учун анча фойдали маълумотдир.

Қатъий баҳолар тақсимоти жадвали. 2009 йилгача бўлгани даврда амал қилган ECTS кредит-модуль тизими коидалари ОТТларга «қатъий баҳолар тақсимоти жадвали» ни (QBTJ) тайёрлашни ҳам тавсия қилган. Унга кўра фандан ижобий баҳо олган талабалариннг факат муайян қисми муайян баҳони олиши мумкинлиги олдиндан белгилаб кўйилган. Бунда:

- Энг юқори натижса курсата олган 10% талабалар A баҳоси;
- Кейинги 25% талабалар B баҳоси;
- Кейинги 30% талабалар C баҳоси;
- Кейинги 25% талабалар D баҳоси;
- Кейинги 10% талабалар E баҳосини олиши мумкин бўлган.

Бу коидани диаграмма тарзida куйидагича акс эттириш мумкин:



Кузатганингиздек, қатъий баҳолар тақсимоти жадвалига кўра муайян фанни олаётган талабаларниң айнан неча фоизи қандай баҳоларни кўлга киритиши мумкинлиги олдиндан белгилаб қўйилган. Бу коидага кўра ўқитувчилар ҳам талабаларни баҳолашдаги бу белгилаб қўйилган фоизлардан четга чика олмайди. Яъни ўқитувчи фанни олаётган талабаларниң ўзи ҳохлаган қисмига ўзи ҳохлаган баҳосини кўя олмайди; ҳар бир баҳони оловчи талабалар фоизи олдиндан белгиланган. Бундай тақсимотдан кўзланган асосий мақсад – ОТГларда баҳолаш амалиётини стандартлаштириш, баҳолар инфляциясини (баҳолар ноўрин қадрсизланиши) ва дефляциясини (баҳолар нўории қадрланиши) олдини олишdir.

Тасаввур қилинг, 100 нафар талабалардан иборат бир курс икки гурухга ажратилган ҳолда (50 нафардан) муайян фан бўйича дарс олмоқда. Фан иккала гурух талабалари учун ҳам бир хил, лекин ушбу фан бўйича ҳар бир гурухга бошқа-бошқа ўқитувчилар дарс ўтмоқда. Семестр сўнгидаги бирори гурух талабаларининг 30% 5 баҳо, иккичи гурух талабаларининг 10% 5 баҳо олдилар. Гурухлардаги 5 баҳо олган талабалар фоизи ўртасидаги фарқ дарсларни бошқа-бошқа ўқитувчилар ўтаётгаилиги, ўқитувчилариин дарс ўтиши сифати турлича бўлганлиги туфайли ҳам бўлиши мумкин. Лекин баҳолашдаги бу фарқлар бир ўқитувчининг бошқасига нисбатан бирор сахнйлиги ёки қаттиқкўллиги туфайли ҳам бўлиши мумкин.

ECTS тизими юкоридаги коида орқали бу каби субъектив факторларни талабалар баҳосига таъсир қилишини олдиини олишга ҳаракат килади. Яъни унга кўра ҳар иккала гуруҳда ҳам тенг фоиздаги талабалар 5 баҳосини олиши мумкин. Назарий жиҳатдан, гурухдаги талабаларининг ҳаммаси аъло баҳога муносиб бўлиши мумкин эмас ёки уларнинг ҳаммаси қониқарли баҳо олиши ҳам мумкин эмас. Ҳаётда кўп нарсалар нисбий, шу жумладан баҳолар ҳам. Яъни ҳар қандай гуруҳда аъло, ўртача ва ўзлаштириши паст бўлган талабалар мавжуд бўлиб муайян талабанинг айнан қайси баҳони олиши кўпинча унинг гуруҳдаги бошқа талабаларга иисбатан билимнга боғлик. ECTSнинг юкоридаги коидаси ушбу факторларни хисобга олган ҳолда ишлаб чиқилган.

АМАЛДАГИ (2009 ЙИЛДАН КЕЙИИГИ) БАҲОЛАШ ТИЗИМИ ҚОИДАЛАРИ

Айрим Европа давлатлари ўзларининг кўп йиллик анъанавий баҳолаш тизимларидаи воз кечиб ECTSнинг юқоридаги баҳолар шкаласини қабул қилишни хоҳламадилар. Бундай ҳолатда қатъий белгилаб қўйилган баҳолар тақсимоти жадвалини ҳам жорий қилиш кийин эди. Чунки, ижобий баҳолар миқдори 5 тадан кам бўлган баҳолаш тизимларига (яъни мамлакатимиз баҳолаш тизимимиз каби тизимларга) юқоридаги баҳолар тақсимоти жадвали қоидаларии кўллаш имконияти йўқ эди.

Ва ниҳоят 2009 йилга келиб ECTS кредит-модуль тизими баҳолашнинг анча соддалаштирилган тизими ишлаб чиқди. Хўш, ECTSнинг янги баҳолаш қоидалари нималардан иборат? Бу қоидаларга кўра ECTS тизимига ўтаётган ҳар бир давлат ёки ОТТ ўзига макул баҳолаш тизимини сақлаб қолиш хукукига эга бўлади. Яъни улар юқоридаги ECTS баҳолаш шкаласини ва баҳолар тақсимоти жадвалини қабул қилишлари шарт эмас. Энг муҳими – ОТТлар қабул қилган баҳолаш тизими ва амалиёти шаффоф бўлишидир. Бундан кўзланган асосий мақсад бу бошқа таълим ташкилотлари мазкур ОТТдаги баҳолаш тизимини ва маданиятини тушуна олиши ва ўз баҳолаш тизимига қиёслаш имкониятига эга бўлишидир.

Баҳолаш тизими ва амалиётини ECTS кредит-модуль тизими талаби даражасида шаффоф бўлиши учун ОТТлар қандай ишларни амалга ошириши керак бўлади? Унга кўра ECTS кредит-модуль тизимида фаолият юритадиган ҳар бир ОТТ ўзларига маъкул баҳолаш тизимини кўллаган ҳолда, талабанинг диплом иловасида унинг муайян фанлардан олган баҳоларини кўрсатиш билан бирга мазкур дастурдаги ёки курсдаги барча талабаларнинг айиан неча фоизи кайси баҳоларни кўлга киритганлиги тўғрисидаги статистик маълумотни «баҳолар тақсимоти жадвали» тарзида ҳам акс эттиришлари талаб этилади. Буни қўйида мисол билан тушутиришга харакат киламиз.

Тасаввур қилинг, мамлакатимиздаги Иктисодиёт Университети иктисодиёт факультети 1-курсида 200 нафар талабалар таҳсил

олишади. ОТТ амалдаги 5 дан 2 гача бўлган баҳолаш тизимидан фойдаланади, яъни 5 бу аъло баҳо, 2 эса қониқарсиз баҳо. Ўтиш баҳоси 3 ва ундан юқори. Талабаларнинг барчаси Иктиносидёт асослари фанидан имтиҳон топшириб, фан бўйича қўйидаги якуний умумий кўрсаткичларни қайд этдилар:

- *30 та талаба 5 баҳо олди;*
- *120 та талаба 4 баҳо олди;*
- *40 та талаба 3 баҳо олди;*
- *10 та талаба 2 баҳо олди.*

Амалдаги баҳолаш тизимига кўра ҳар бир талаба олган баҳоси унинг диплом иловасида ўз аксини топади. Лекин ECTS кредит-модуль тизими бу билан чеклаимайди. У талабанинг диплом иловасида «баҳолар тақсимоти жадвалини» ҳам яратиши тавсия этади. Баҳолар тақсимоти жадвалини яратиш икки босқичдан иборат:

1 - б о с қ и ч и. Бу босқич талаби жуда оддий. Фандан ўтган ва фандан йиқилган талабалар сони алоҳида ажратиб олинади. Яъни фандан ўтган талабалар сони 190 нафар, фандан йиқилган талабалар сони 10 нафар. Баҳолар тақсимоти жадвали учун фақат фандан ўтган талабалар сони эътиборга олнинади.

2 - б о с қ и ч и. Бу босқичда фандан ижобий баҳолар (3, 4, 5) олган талабалар умумий сонидан айнан қанча фоизи қайси баҳони олганлигн аниқланади. Бунда, масалан талабаларнииг тахминан 16% 5 баҳо ($30/190=15.7\%$), 63% 4 баҳо ($120/190=63.1\%$), 21% 3 баҳони қўлга киритган ($40/190=21\%$). Ҳисоб китоб иатижалари баҳолар тақсимоти жадвалида қўйидаги ўз акснин топади:

ОТМдаги баҳолаш тизими	Ўтиш баҳолари сони	Ҳар бир баҳонинг фоизи	Тўпланиб борувчи фоизи
5	30	16%	17%
4	120	63%	79%
3	40	21%	100%
Жами	190	100%	

Биз ҳозир тепада бир фан доирасида, яъни Иқтисодиёт асослари фани бўйича баҳолар тақсимоти жадвалини яратдик. Яъни бу жуда мураккаб масала эмас. Уни одатда компьютер дастури амалга оширади. Лекин баҳолар тақсимоти жадвали стандарт шаклда шакллантирилиши жуда мухим. Жадвалнинг стандарт элементлари юкорида кўрсатилган.

Ушбу баҳолар тақсимоти жадвали айнан неча фоиз талabalар айнан қайси баҳони олганлигини кўрсатиш орқали ўқитувчининг мазкур фан бўйича баҳолаш амалиёти ҳақида маълумот беради. Факультетнинг баҳолар тақсимоти жадвалини яратишда факультетда муайян давр мобайнida ўқитилган барча файларийиг баҳолари шу тарзда умумлаштирилади ва фоизларга бўлинади. У факультетнинг ўша давр мобайнидаги баҳолаш амалиёти ҳақида тушуниб олиш имконини беради. Шунинг учун ECTS кредит-модуль тизими баҳолар тақсимоти жадвали ҳар бир талабанинг диплом иловасида талаба кўлга киритган баҳолар билан бирга акс этишини тавсия этади.

Юкоридаги мисолда биз тушутириш осон бўлиши учун баҳолар тақсимоти жадвалини факат бир фан доирасида яратиб кўрсатишга ҳаракат қилдик. Лекин амалда баҳолар тақсимоти жадвали муайян курсдаги барча файларда олинган баҳоларни умумлаштирган холда ҳар З йилда камида бир маротаба яратилиши зарур. Яратилган баҳолар тақсимоти жадвали эса ўша давр мобайнida ОТТни битирган ҳар бир талабанинг диплом иловасида акс эттирилади (яъни Гронииген Университетиининг юкоридаги баҳолар тақсимоти жадвали каби). Баҳолар тақсимоти жадвалини яратиш учун уни хисоблаш бироз мураккаб ва чалкашдек кўриниши мумкин, лекин бу таъқсимот компьютер дастури орқали автоматик тарзда амалга оширилади. Энг мухими, баҳолар тўғрисида маълумотларнинг мавжудлиги ва улар компьютер дастурига киритилишидир.

БАҲОЛАР КОНВЕРТАЦИЯСИ

Баҳолар тақсимоти жадвали бир ОТТ бошқа ОТТ даги баҳолаш амалиёти ҳақида тушуичага эга бўлишига ёрдам беради. Бундан кўзланган асосий мақсад бу талабалар алмашлаш дастурлари доирасида баҳоларни бир баҳолаш тизимидан иккинчисига конвертация килишни осонлаштириш ва буни адолатли тарзда амалга оширишга эришишдир. Бу масалани қуйида мисол билан тушутиришга ҳаракат қиласиз.

Тасаввур қилинг Иктисодиёт Университети талабаси Мадина З-курс бошида талабалар алмашлаш дастури бўйича бир йил муддатга Голландиянинг Гронинген Университетига жўнаб кетди. Яъни, у З-курсни Гронинген Университетида ўқиб қайтди. Мадина Иктисодиёт Университетига қайтгандан сўнг унинг Гронинген Университетида ўқиган фанлар бўйича олгаи баҳоларини Иктисодиёт Университети баҳолаш тизимиға конвертация килиш зарурати туғилади. Гронинген Университети баҳолаш тизими 1 дан 10 гача бўлган 10 та баҳолаш шкаласидан иборат бўлиб ўтиш баҳоси 6, энг юкори баҳо 10. 1 дан 5 гача бўлган баҳолар бу йиқилиш баҳоларидир. Тасаввур қилинг, Мадина Гронинген Университетида Макроиктисодиёт фанини ўқиди ва ундан 8 баҳосини кўлга киритди. Ушбу баҳо Иктисодиёт Университетида қайси баҳога конвертация килинади?

Буни амалга ошириш учун бизга Гронинген Университети ва Иктисодиёт Университетининг баҳолар тақсимоти жадваллари кепрек бўлади. Гронинген Университети баҳолар тақсимоти жадвали кўйидаги деб тасаввур қилайлик:



**university of
groningen**

DIPLOMA SUPPLEMENT


*Dutch grading marks and percentages calculated over the past three years
For: Bachelor of Arts in Geschiedenis*

Dutch grade:	6	7	8	9	10
Percentage:	40,3%	36,4%	18,8%	4,3%	0,2%

Ушбу баҳолар тақсимоти жадвали Гронинген университетида ўтиш баҳолари сони 5 та эканлигини кўрсатмоқда (6, 7, 8, 9, 10). У яна Гронинген Университети ўқитувчилари баҳолашга анча қаттиқўллик билан ёндашишларидан дарак бермоқда. Чунки талабаларининг бор йўғи 0.2% гина эиг юқори 10 баҳосини, кейинги 4.3% эса 9 баҳосини, талабаларнинг 40.3% энг паст ўтиш баҳоси хисобланган 6 баҳосини олганлигини кўрсатмоқда. Иқтисодиёт Университети баҳолар тақсимоти жадвалини биз юқорида яратган баҳолар тақсимоти жадвали деб хисоблайлик, яъни:

ОТМдаги Баҳосини тақсимош	Ўтиш баҳосини сони	Хар бир баҳосини фона	Тулиниб борулиш фона
5	30	16%	17%
4	120	63%	79%
3	40	21%	100%
Жами	190	100%	

Энди, Мадинанинг Гронингенда олган баҳосини Иқтисодиёт Университети баҳолаш тизимига конвертация қилиш учун биз бу икки жадвални қиёслашимизга тўғри келади:



Бунда пушти, сарик, зангор, кўк ранглардаги блоклар иккала университетлардаги баҳоларни англатади. Уларнинг ўлчамлари эса фоизда қанча талаба шу баҳоларни олганлигини англатади. Хўш, Мадинанинг Макроиктисодиёт фанидан кўлга киритган 8 баҳоси Иқтисодиёт Университетида қайси баҳога конвертация қилинса тўғри бўлади? Кўриб турганингиздек, Гронинген Университети талабаларининг энг юқори 4.5% фоизи Иқтисодиёт Университети баҳолаш амалиётидаги 5 баҳосига тўғри келмоқда. Лекин 8 баҳоси фоиз нуктаи назаридан 4 баҳога ҳам 5 баҳога ҳам тўғри келмоқда. Чунки унинг ярми 4 баҳога, ярми эса 5 баҳога тўғри келмоқда. Ушбу ҳолатда Мадинанинг баҳоси 4 баҳога конвертация қилиниши керакми ёки 5 баҳогами?

Шунинг учун ҳам мамлакатимиздаги баҳолаш тизими талабалар мобиллиги учун анча муаммолидир. Чунки ундаги баҳолар шкаласи етарли даражада хилма-хил эмас. Агар етарли даражада хилма-хил бўлганда, яъни 3, 4, 5 баҳо ўрнига ECTS баҳолаш тизими асоснда ташкил этилган бўлганда баҳолар конвертацияси осонроқ амалга ошган бўлар эди. Шунинг учун мамлакатимиздаги баҳолаш тизимини такомиллаштирумасдан туриб (яъни баҳолар хилма-хиллигини кенгайтирумасдан), мамлакатимизда ECTSни қабул қилиниши талабаларнинг ҳалқаро мобиллигини яхшиланишига хизмат қиласи дейиш бироз муаммоли холоса десак тўғри бўлади. Қолаверса, кредит-модуль тизимига ўтишнинг ҳозирги босқичида мамлакатимиздаги ОТТлар ECTSнииг баҳолаш бўйича асосий талаби ҳисобланган «баҳолар тақсимоти жадвалини» яратиш масаласига етарлича эътибор беришмаётгандек.

Юқоридаги муаммога ҳозирча ечими сифатида баҳолар конвертацияси коидаларида бундай ҳолатда баҳоларнинг максимал ёки минимал чегараси олинишини олдиндан белгилаб қўйилиши мумкин. Яъни агар минимал чегара белгиланган бўлса, Мадинанинг баҳоси 4 баҳога, агар максимал чегара белгиланган бўлса, 5 баҳога конвертация қилинади.

В) БАҲОЛАРНИНГ ЎРТАЧА ҚИЙМАТИ (GPA) ВА УНИ ҲИСОБЛАШ

Ривожланган давлатлар университетлари баҳолаш тизимларида «ГПА» деган тушунча мавжуд. Уни ўзбекчада «баҳоларнинг ўртача қиймати» деб таржима қилисак тўғри бўлади. Бу ерда биз унга ГПА деб мурожаат қилишда давом этамиз.

Талабанинг муайян фанда олган баҳосини бирор бир умумий мақсад учун мезон қилиб олиш бироз иоаниқликларга ва адолат-сизликларга сабаб бўлиши мумкин. Чунки талаба айрим фандан паст, айрим фандан эса жуда юқори баҳо олгаи, айрим фандан эса йикилган бўлиши мумкин. Шунинг учун талабанинг муайян ўқиш даври мобайнида қўлга киритган баҳоларининг ўртача қийматини аниқлаш мухим аҳамият касб этади. GPA талабанинг муайян давр мобайнида ўргаиган фанлари бўйича қўлга киритган баҳоларнинг умумий ўртача қийматини чиқариб берувчи механизmdir. Умуман олганда GPA бу талабанинг ўқишдаги умумий муваффақият дараҷасини муайян фандан қўлга киритилган баҳодан кўра анча холис ва аниқроқ кўрсатиб бера олади.

Талабанинг GPA кўрсаткини жуда кўп мақсадлар учун фойдаланилиши мумкин. GPA талабанинг курсдан-курсга ўтишга лойиқлигини, ҳар хил стипендия ва ўқиш мукофотларнга муносаблигини, қолайверса унинг кейинги босқичдаги ўқишиларга муносаблигини аниқлашда фойдаланилади. Ўз GPA ҳақида билиб туришнинг талаба учун яна бир аҳамиятли жойи шундаки, у талабага унинг қай даражада ўқиётганлиги ҳақида доимий равншда сигнал бериб туради. Агар талабанинг GPA тушиб кетса, бу талабани ўқишига янада жиддийроқ ёндашишга ундаши зарур.

Хўш, талабанинг GPA қандай ҳисобланади? ECTS кредит-модуль тизимида талабанинг GPA уч босқичда ҳисобланади:

1) Биринчи босқич: талабанинг белгиланган давр давомида ҳар бир модуль/фандан олган бали ўша фанга ажратилға кредитлар сонига кўпайтирилди ва юзага келган рақамларнинг барчаси қўшиб чиқилади.

2) Иккинчи босқич: талаба ўша давр мобайнида ўқиган ҳар бир фанга ажратилган кредитлар миқдори қўшиб чиқилади.

3) Учинчи босқич: биринчи босқичда аниқланган умумий рақамни иккинчи босқичда аниқланган кредитларнинг умумий миқдорига бўлинади. Натижа бу талабанинг ўша давр учун қўлга киритган GPA кўрсаткич.

GPA ни ҳисоблаб чиқиши қисқача қилиб қўйидаги формулада тасвирилаш мумкин:

$$GPA = \frac{K_1 \cdot B_1 + K_2 \cdot B_2 + \dots + K_n \cdot B_n}{K_1 + K_2 + \dots + K_n}$$

Бунда: K – ҳар бир фан/модулга ажратилган кредитлар миқдори; B – ҳар бир модул/фандан талаба қўлга киритган бали;

Энди, қўйида GPA ни аниқ мисол орқали ҳисоблаб кўрамиз. Тасаввур қилинг юқоридаги қаҳрамонимиз Мадина хозирда Иктисиодиёт Университети, Иктисиодиёт Факултетида 2-курсда ўқимоқда. У 2-курсда 10 та фанин ўқиб қўйидаги баҳоларни қўлга киритди:

Фанлар номи	Ажратилган кредит миқдори	Олинган баҳолар
Статистика	6 кредит	5 баҳо
Эконометрика	6 кредит	4 баҳо
Маркетинг	6 кредит	5 баҳо
Бизнесни бошқариш	6 кредит	4 баҳо
Рискларни бошқариш	6 кредит	3 баҳо
Молия сиёсати	6 кредит	4 баҳо
Микроиктиносидиёт	6 кредит	5 баҳо
Макроиктиносидиёт	6 кредит	4 баҳо
Корпоратив Молия	6 кредит	2 баҳо
Рақамли иқтисодиёт	6 кредит	4 баҳо

Мадинанинг ушбу кўрсаткичларига нисбатан юқоридаги формулага солсак, унинг GPA қўйидагича эканлигини аниқлаймиз:

$$3.8 = \frac{30 + 24 + 30 + 24 + 18 + 24 + 30 + 24 + 0 + 24}{6 + 6 + 6 + 6 + 6 + 6 + 6 + 6 + 6 + 6}$$

Ушбу хисоб-китобии қўйида соддароқ тилда, босқичма-босқич тушунтиришга ҳаракат қиласиз.

1-босқич (кредитларни баҳоларга кўпайтириши). Юкорида айтиб ўтганимиздек, бириичи босқичда Мадинанинг белгиланган давр давомида ҳар бир модуль/фандан кўлга киритган ўтиш баҳоси ўша фанга ажратнилган кредитлар сонига кўпайтирилади ва юзага келган рақамларнинг барчаси кўшиб чиқилади. Шуни таъкидлаш керакки, талабанинг қоникарсиз баҳоси учун унга кредит берилмайди. Кредит талаба факат қоникарли ва ундан юқори баҳоларни олгандагина берилади. Юкорида кузатганимиздек, Мадина Корпоратив Молия фани бўйича қоникарсиз баҳо олди. Шунинг учун унга Корпоратив Молия фани учун кредит берилмайди ва бу унинг GPA га салбий таъсир қилди ва унинг бироз тушишига олиб келди. Лекин у янги ўкув йили бошлангунга қадар қайта имтиҳон топшириб кредитлар миқдорини тўлдириб, GPA ни тиклаб олиш имкониятига эга. Мадинанинг GPA ни хисоблашни соддароқ тарзда қўйидагича амалга ошириш мумкин:

Фанлар номи	Кредитлар миқдори	Олинган баҳолар	Кредитлар ва баҳолар кўпайтируви
Статистика	6 кредит	5 баҳо	$6*5 = 30$
Эконометрика	6 кредит	4 баҳо	$6*4 = 24$
Маркетинг	6 кредит	5 баҳо	$6*5 = 30$
Бизнесни бошқариш	6 кредит	4 баҳо	$6*4 = 24$
Рискларни бошқариш	6 кредит	3 баҳо	$6*3 = 18$
Молия сиёсати	6 кредит	4 баҳо	$6*4 = 24$
Микроиктисодиёт	6 кредит	5 баҳо	$6*5 = 30$
Макроиктисодиёт	6 кредит	4 баҳо	$6*4 = 24$
Корпоратив Молия	6 кредит	2 баҳо	$0*2 = 0$
Рақамли иқтисодиёт	6 кредит	4 баҳо	$6*4 = 24$
Умумий қиймати	60		228

2-босқич (кредитларни қўшиб чиқши). Мадинанинг ўша давр мобайнида ўқиган ҳар бир фанга ажратилган кредитлар миқдори қўшиб чиқиласди. Мадинанинг семестр давомида ўқиган фанларига ажратилғаи кредитлар миқдори 30 кредит (6+6+6+6+6). Шуни таъкидлаш керакки, Мадина Корпоратив Молия фанидан кредитни қўлга киритмаган бўлсада, 2-босқичдаги ҳисобда унинг кредити ҳисобга олинади. Чунки бу босқичда талаба ўша давр мобайнида ўқиган фанларга ажратилган кредитлар ҳисобланishi айтилган, талаба қўлга киритган кредитлар миқдори эмас.

3-босқич. Ана энди биринчи босқичда аниқланган умумий рақамни иккиичи босқичда аниқланган кредитларнинг умумий миқдорига бўламиз ва натижада Мадинанинг ўша давр учун қўлга киритган GPA аниқ бўлади:

$$228 / 60 = 3.8$$

Биз бу ерда Мадинанинг бир ўқув йили учун GPA кўрсаткичини ҳисобладик. GPA кўрсаткичи одатда ўқув йили якуни бўйича, ўқув дастури якуни бўйича чиқарилади. Амалдаги 5 баллик баҳолаш тизимидан келиб чиқиб айтадиган бўлсан, талаба эришиши мумкин бўлган максимал GPA 5 бўлиши мумкин. Агар талаба бир фанни икки ва ундан кўп маротаба олишига тўғри келган бўлса, GPA ни ҳисоблашда унинг энг сўнгги баҳоси ҳисобга олинади. GPA одатда фақат (бакалавр, магистратура, докторантура) даражасини олиш учун ўқиётган талабалар учун ҳисобланади. Яъни GPA ўқув даражаси бермайдиган ва ўзаро алмашлаш дастури орқали ўқиётган талабаларга нисбатан ҳисобланмайди.

Юқорида айтганимиздек талабанинг GPA кўрсаткичи унинг курсдан-курсга ўтишга лойиқлигини, стипендиялар ва ўқиш мукофотларига, унинг кейинги босқичдаги ўқишиларга муносаблигини аниқлашда ва бошқа мақсадларда фойдаланилиши мумкин. Лекин GPA нинг бу мақсадлар учун мииимал чегараларини белгилашга жуда эҳтиёткорлик билан ёндашиш зарур. Белгилаига чегара талабаларнинг имкониятларига мос равишда белгиланиши мақсадга

мувофик. GPA тизими талабаларни моддий ва бошқа жиҳатдан жазолаш механизмига айланиб қолмаслиги зарур. Эсингизда бўлсин ECTS кредит-модуль тизими бу талабага йўналтирилган таълимидир!

GPA талабанинг ҳар семестр ва ўкув йилида унинг ўша семестрда ёки йилда ўқиган фанлари баҳолари асосида ҳисобланниши мумкин. GPA яна талабанинг ўқишни битириш арафасида ўқиш давомида олган барча фанлари баҳолари асосида ҳисобланади. Талабанинг бутун ўқиши давомида олган баҳолари бўйича ҳисобланган GPA «тўпланиб борадиган» яъни «cumulative GPA» деб аталади. Шунинг учун талабанинг GPA унинг ўқиши даврида доимий равишда ўзгариб туради.

ТАЛАБАЛАРНИ БАҲОЛАШДА ДАСТЛАБКИ ТАВСИЯЛАР

Юқорида айтиб ўтганимиздек ECTS кредит-модуль тизими ўз баҳолаш тизими ва шкаласига эга, лекин у ушбу баҳолаш шкаласи тавсиявий аҳамиятга эга. Яъни ECTS тизимини қабул қилаётган давлатлар қайси баҳолаш тизимини қабул қилиш масаласини ўзлари эркин ҳал қиласидар. Амалдаги ECTS кредит-модуль тизими қоидалари бунга эътиroz билдиrmайди. Лекин муаммо шундаки, мамлакатимиздаги талабаларни баҳолаш тизимининг амалдаги қоидалари бор-йўғи 3 та ижобий баҳолар мавжуд (3, 4, 5), ва бу баҳолаш тизимида ижобий баҳолар сони анча чекланганлиги туфайли улар талабаларнинг билим ва салоҳиятларидағи фарқларни етарли даражада акс эттиrmайди. ECTS тизимида эса ижобий баҳолар сони 5 та, Америка баҳолаш тизимида эса 12 та баҳолаш шкаласи мавжуд.

Баҳолаш амалиётидаги бу катта фарқлар баҳолар конвертациясида ноаникликлар ва хатолар бўлиши эҳтимолини кучайтиради. Шунинг учун мамлакатимиздаги талабаларни баҳолаш тизими, яъни Ўзбекистон Республикаси Олий ва ўрта маҳсус таълим вазириининг 2018 йил 9 августдаги 19-2018-сонли бўйруғи билан тасдиқланган «Олий таълим ташкилотларида талабалар билимини

назорат қилиш ва баҳолаш тизими тұғрисида»ги низомии қайта күриб чиқишии ва унда баҳолаш шкаласи диверсификациясини кенгайтиришни тавсия этамиз.

Бундан ташқари ECTS кредит-модуль тизимига үтгай ҳар бир ОТТ университет даражасида ёки факультетлар даражасида «баҳолар тақсимоти жадвали» ни яратып, уни мунтазам равишда янгилаб бориши ва уни талабаларни диплом иловаларида қайд этилишини таъмилаши зарур. Бу талаб ECTSнинг ОТТларда баҳолаш шаффоғлигини таъминлаш бүйіча энг минимал ва асосий талабларидан биридір. Баҳолар тақсимоти жадвали ҳар 3 йилда камида бир маротаба янгилаб борилади. Баҳолар тақсимоти жадвали компьютер дастури өрдамида яратылади ва янгилаб борилади. Бунинг учун талабаларниң баҳолари бүйіча статистик маълумотларнинг бўлиши ўзи кифоя. Бундай маълумотлар ҳозирда ОТТларда мавжуд.

Нихоят, ОТТлар талабалариниң GPA ларини ҳам ҳисоблаш механизмларини яратып ушбу маълумотни уларнинг диплом иловаларида акс эттирилишини ҳам таъминлашлари зарур бўлади. GPAдан ОТТ кўп қонуний мақсадларда фойдаланиши мумкин. Лекин талаб этиладиган минимал GPA миқдорини белгилашда талабаларнинг имкониятлари ҳисобга олиниши мақсадгага мувофиқ. GPA тизими талабаларни жазолаш воситасига айланиб қолмаслиги керак.

7. КРЕДИТ-МОДУЛЬ ТИЗИМИДА ИМТИҲОНЛАР

ECTS кредит-модуль тизими имтиҳонлар масаласида аниқ белгилаб қўйилган қатъий қоидаларга эга эмас. Лекин ўз таълим бошқарувини ECTS кредит-модуль тизими асосида юритадиган хорижий ОТТлар имтиҳонлар қоидаларини таҳлил қилганимизда куйидаги умумий тамойилларни кузатишимиз мумкин.

А) ТАЛАБА СЕМЕСТР ЁКИ ЎҚУВ ЙИЛИДА ЕТАРЛИ КРЕДИТЛАРИИ ТЎПЛАЙ ОЛМАГАНЛИГИ

Юқорида таъкидлаганимиздек, ECTS кредит-модуль тизимиде талабалар ҳар семестр ва ҳар ўқув йилида муайян миқдордаги

кредитларни жамғарыб боришилари кераклиги белгиланган. Шунда хақли бир савол туғилади: агар талаба семестр ёки ўкув йили давомида бирор-бир фандан йиқилиб, белгиланган кредитларни жамғара олмаса, у кейинги босқичда ўқишини давом эттириши мумкиими?

Даставвал, кўпгина ривожланган давлатлар ОТТлари амалиётида агар талаба ўкув йили давомида бирор-бир фандан биринчи маротаба йиқилса, ушбу талаба фан бўйича ҳеч кандай кўшимча тўловларсиз қайта имтиҳон топшириш имкониятига эга. **Яна бир бор таъкидлаб ўтамиш: имтиҳондан йиқилган талаба қайта имтиҳон топшириш учун қўшимча тўлов қилиши талаб этилмайди.** Бундан ташқари дастлабки имтиҳон ва қайта имтиҳон оралиғи жуда кисқа бўлмаслиги зарур. Яъни талаба имтиҳондан йиқилгандан сўнг кейинги имтиҳонга тайёргарлик кўриш учун етарлича вакт имкониятига эга бўлиши зарур. Агар талаба қайта имтиҳондан ҳам йиқилса, ундан ўша фанни қайта олиш (ўкиш) талаб қилиниши мумкин. Яъни талаба бирор бир фандан биринчи маротаба йиқилган тақдирда ундан дарҳол ушбу фанни қайта олиш талаб этилмайди. Бундан ташқари агар талаба йиқилган фан танлов фани бўлса ҳам, талабадан ушбу фанни қайта олиш талаб этилмайди. Бунда талаба ўша фан ўрнига кейинги семестрда шунчаки бошқа қўшимча танлов фаинини олиши мумкин. Лекин фан мажбурий фан бўлса талаба уни қайта олиши зарур. ОТТ фанни қайта олаётган талабадан фан учун қўшимча тўлов амалга ошириши талаб қилиши мумкин. Бунда талаба тўловни ўкув йили ёки семестр учун эмас балки айнан қайта олаётган фани ёки фанларн учунгина тўловни амалга оширади.

Кейинги масала – талабанинг айрим файлардаи йиқилганлиги туфайли семестр ёки йил учун белгилангаи кредитлар миқдорини тўплай олмаслик масаласи ҳакида тўхталиб ўтсак. Бизга юкоридан маълумки ECTS кредит-модуль тизимида, талаба бир семестрда 30 кредит, бир ўкув йилида эса 60 кредит тўплаши зарур. Талаба семестр давомида ёки ўкув йили давомида айрим фанлардан имтиҳонлардан йиқилса, табиийки у етарли кредитни тўплай олмай-

ди. ECTS кредит-модуль тизимида бу масала қандай ҳал этилади? Талаба етарли семестр ёки ўқув йили бўйича етарли кредитларни жамғара олмаса бу қандай оқибатларни келтириб чикаради?

Талаба фанлардан етарлича натижа кўрсатгани-кўрсатмаган-лигии одатда унинг ўқув йили давомида жамғарган кредитлари сонига қараб ёки GPA кўрсаткичига қараб аниқлаш мумкин. Бу одатда талабанинг курсдан-курсга ўтишига ҳалал бермайди. Лекин талаба ОТТ томонидан белгиланган муайян миқдордаги минимум талабларни бажариши керак бўлади. Кўпгина Европа университетларида талабанинг бир босқичдан иккинчи босқичга ўтиш учун белгиланган 60 кредитдан камида 45–48 кредит жамғарган бўлиши зарур. Талаб этиладиган энг минимал кредитлар миқдори 45–48 тани ташкил қиласди. Бунда талаба қолган кредитларни ёз давомида ёки кейинги семестр давомида йиқилган фанларидан дарс олиб кредитларни 60 етказиб олиши мумкин. Лекин талаба тўплаган кредитлар миқдори 45–48 тадан тушиб кетадиган бўлса, талаба кейинги семестрда бошқа фанлар билан бирга йиқилган фанларни олиб кредитлар миқдорини етказиб олиш қийни бўлиб қолади. Бундан талаба аввалги йил кредитларини тўлиқ тўплаб олмагунча кейинги босқичга ўтиши тўхтатиб турилиши мумкин.

Талабанинг босқичдан ўтиши масаласини унинг ўқув йили давомида жамғарган GPA га қараб ҳам белгилаш мумкин. Масалан АҚШ кредит-модуль тизимида талаба бир босқичдан иккинчисига ўтиши учун талаб этиладиган энг минимум GPA 4.3 лик тизимда 2.0 дир. Бунда талаба бир йил давомида 2–3 фан имтиҳонидан йиқилган тақдирда ҳам кейинги босқичда ўқиб тураверишини ва шу жараёнда йиқилган фанлари кредитларини кам етказиб олишини англаради. ECTS кредит-модуль тизимида бундай ҳолатда талаб этиладиган минимум GPA миқдори ўша ОТТнинг GPA хисоблаш механизмига боғлиқ. Агар баҳо 2–5 лик баҳолаш тизимида талабанинг бир босқичдан кейинги босқичга ўтиш учун энг минимал GPA 2.4 атрофида бўлиши мумкин. GPA тушунчаси, унинг вазифалари ва хисоблаш механизми кўлланманинг 6-бўлимида келтирилган.

В) ТАЛАБА БИР ФАННИ БИР МАРОТАБАДАИ ОРТИҚ ОЛИШИ

Талаба фан бўйича имтиҳонлардан 2 маротаба йиқилган тақдирда ёки қўлга киритган ўтиш баҳосии янада кўтариш мақсадида бир фанни бир маротабадан ортиқ олишига тўғри келиши мумкин. Бунда у ушбу фан учун алоҳида тўловни амалга ошириши зарур бўлади. ОТТ фанлар бўйича ҳам тўлов суммасини ишлаб чиқади. Талаба фанни қайта олгаи тақдирда, ушбу фанни биринчи маротаба олаётган бошқа талабалар билан бир хил тарзда унинг барча талабларини қайтадан бажариши зарур. Яъни унга фан машғулотлари, имтиҳонлари бўйича бошқа талабалардаи фарқ қилувчи ҳеч қандай афзалликлар ёки имтиёzlар берилмайди. Талаба фанни қайта олган тақдирда, ушбу талабанинг диплом иловасида ушбу фан бўйича биринчи ва кейин олгаи баҳолари ҳам қайд этилади. Лекин талабанинг GPA ни ҳисоблашда унинг факат охирги олган баҳоси ҳисобга олинади. Бу коида агар талабанинг кейин олган баҳоси олдин олган баҳосидан паст бўлган тақдирда ҳам амал киласди. Талаба бир фаний икки маротабадан ортиқ олиши мумкин, лекин бу учун одатда факултет декани рухсати талаб этилади.

С) ИМТИҲОИЛАР ОЛДИ ТАЙЁРГАРЛИГИ ҚОИДАЛАРИ

Имтиҳонлар пайти талабалар учун ўкув йилининг энг ҳаяжоили, зўриқишли ва уйқусиз кечадиган даврларидан биридир. Улар имтиҳонлар даврга яхши ўқиш тайёргарликлари билан кириб келишни хоҳлайди. Имтиҳонлар даври яқинлашган сари талабалар ўтган мавзуларни такрорлаб олиш, ўрганган мавзуларни янада яхшироқ тушуниб олиш, ўқишлирида бироз ортда колгаи бўлсалар уни етказиб олиш ва шу каби имтиҳонга тайёргарлик ишларини амалга оширадилар. Шунинг учун имтиҳонлар даври бошланишидан олдиииги 10 кун ёки 1 ҳафта давомида талабалар билан ҳеч қандай назорат ишлари (масалан жорий назорат), тестлар, ёзма ишлар ўтказиш тавсия этилмайди.

Хнмартапхнр аркапнгнр «Реглстар оффис» томонхнр амале
Пнрохжархн яблжатап хнбепцнтархн сажинетнр 6у кагн
ба япахн 6укарапннн тақо3о тајан.

Марын мархоя маркаджархн макынотап бззаснра 6у жину
ба 6уяжитпхнн тьзинмарә 3апыптар тьзинтарн. Бззапхнр 6апасн
омпмокнн 6ујса 6ујса мюпоккаташн кагын кунгнн ба кагын тину
фажар ойнан бззаснан ходо3и 6ујн6 амнегиздинн хыкыннн амале
тап3аа 6епнжарн ярел каро3ап тьзинтарн. Ба хинкорт тајада мянган
фажнн кагын тьзиннра тьзинн. 6ујсан мюпоккаташн кагын
6унина мтнхоннан никннн. 6унина мтнхоннн кагын тонундинн 6екн
тьзинмарә 3укнек тьзинтарн. Бззапхнр таукада мянган фаж
макынотапхнн ассо3ан ойтнан тап3аа амале оунпса-7а, охнан
ъзраптнпннн пас. Тајада3ап тајадор фажнпнра 3үнхжатан
6екн 6унина ба сенечт 6оңнан 6ујы 6актпннн мактннантан-
иц пеңктап оғынннн та3арып кунгнн 6ујнан. 6унина тајада
жазунтарн. Бозкара антарн, та3имнннн кре3ит-мо3ып тнзинн-
жазунтарн. Кпе3ит-мо3ып тнзиннра 6уни 6екн бззандын 6агыз мапаккә6-

6аса ма3ире оунпжиннн кепак 6ујнан хнмарт тьзапандып.
тајада3апра тезкөп тап3аа, ке3 кагыз мактнн-6уннн-
арабна 6екар каго 6ујнан. Асжнн 6ујсан хнмартапхнр 6апасн
«үзинка мокоржар», 6инжар кундинн 6унина та3имннн
бззиннн хокжарлар тајада телкүнн 6ујннра ке3 6ујннца 6ирта
6апчо3арпннн 6у тап3аа таумкын тиңтизжиннн 6унина
мюхоба3арпннн 6у тап3аа таумкын тиңтизжиннн 6унина
тира 6екн та3имннннда 6оржнк. Хнбепцнтеиннр тајада3ап 6инжар
жазунтарн макыннн 6апаснан 6унина 6екн хокжарлар
жазунтарн. 6унина та3арып 6ујы 6унина сунннра 6о3а3ан. Бззап-
ко 6уни 6уни яра жеңар 6екн 6ујы 6унина сунннра 6о3а3ан. Бззап-

Тајада 6инжар 6уни мтнхоннн көнүнг кеттнн 6ујса кагын ннн-
6апчаннн тьзиннра тьзинн кеңинн мактнн.
минн ойннн 6уни 6уни 6унина 6екн ина жеңар 3унннн ойннн
екн монин 6ујнанна 6оржпнн. 6инжар мактннн 6унина
мактнннн 6унина каро3ап 6унина 6унина 6о3а3ан. О11 нннр маркетннр
са, 6унина жеңар 3унннн та3имнннн 6унина 6о3а3ан. 6ујы маптнома та3орн

ОТГИНИЯН. МАСАДАР ТАДАБАРА ЙКИИНАН МАРДЫМОТНОМА КЕПАР ГҮЛ-
ОУМПУНДАЖЫН. КИШИ НИНГ НЕРДА НЫНДИМАДАР ТОМОНДАЖАДАРДА АДОХОНДА
КИШИ СИНДА БА ТАДАБАДАРДАР МЫПКАТАДАРДА ОҢДАНА НИМАДА МАСАДАРДА
ХОНЫПАДА АКСАПАДАР МАХАДАДАН ОТГИНАДА ТАДАБАДА КАПАДЕХИНДА ТАУ-

8. КЕДДИНТ-МОДДЫН ТИСМЕДДА МАСАДАРДА ХИМАТ РЫПКАТИНУ - «РЕГИСТРАР ОФИЦЕ»

СЕМЕСТРДА ТАНДЕПРАДИНДЫК ЫПДЫН ЫЫНДЫРЫПДЫНДЫК
МЫМКИН. МИНИХОДАДАРДАН СЫРДА ТАДАБАДАРА КАМЫДА 2 САФТА АДЫН
ХОДАДАДАН БА ОТГИНАДА ТАХСАДА ОЛАДАРДА ЖОРТОПАДАДАРДА ОЛДИНДИН
(invigilator) жаңа жеке ҚИРНІНДАДАРДА РАСУКАДАН ҲАДАПАДАРДА
МИНИХОДАДАРДАН ҮТКЕЗДІНДАДА ҮКИТБҮРНІДАДАРДА ГЕЛДІРДІНДАДА.
ҮКИТБҮРНІДАДАРДАН ОТГИНАДАРДА ҮКИТБҮРНІДАДАРДА ҮКИТБҮРНІДАДА
МАКСИМ, МИНИХОДА НЫНДЫРЫПДЫНДЫК БАРДА, ҒАХОДАДА МЕЗОНДАРДА МАСАДЫ
СИФАДАРАДА ҚАБАДОЛАДАРДА НЫСОГОДАДАДА. МИНИХОДА ОЛДЫРЫПДЫНДЫК
ХИМОДАДАНДА БА МИНИХОДА ҮҮХАДА ТҮНДҮРДАДА САБОРАДАДАРДА ТҮРПДҮРДИНИДА
МИНИХОДА ҮҮХАДА ОЛДЫРДА ОЛДЫРДА ҮҮХАДА МАСАДЫ
САБОРАДАДАРДА МЫПКАТАДАРДА МИНИХОДА ҲАДАДАДАРДА ҮКИТБҮРНІДАДА
ЭПДОНДА ҚИРНІНДАДАРДА МИНИХОДА ҲАДАДАДАРДА ҮКИТБҮРНІДАДА
ЖИНИДА МАППАДАДАРДА ЕКИ 600КАРДА ҮКИТБҮРНІДАДА ҮКИТБҮРНІДАДА
ГАИНЕДАДА МАППАДАДАРДА ЕКИ 600КАРДА ҮКИТБҮРНІДАДА ҮКИТБҮРНІДАДА
МИНИХОДАДАРДА ҮКИТБҮРНІДАДА ҮКИТБҮРНІДАДА ҮКИТБҮРНІДАДА

ЕКИ ПЕРНЕСТАДА ОФИЦИДА ТОМОНДАДА ТҮНДҮРДИНИДА.

ХАП ГҮПДАНДА ҮКИТБҮРНІДАДА ҚИРНІНДҮРДАДА ОЛДА ОТГИНАДА
ТОРТАСЫНДА БЫ XАКИДА XАГАДА 36ДАП 1000ПСИМДИНДА КЕПАР. МИНИХОДАДАРДА
ИМАТФОПМАСЫДА 36ДОНДА ҚИРНІНДИНИДАРДА 36ДОНДА
ХИМИДАДА КАМЫДА НИККАН ҚАФАДА ОЛДЫРДА МИНИХОДАДАРДА ОЛДЫРДА
СЫРДАДА АМАДАРА ОУМПУНДАДА. ХАП ГҮП МАСАДЫ
АНАК ҚЫПСАРДА 36ДОНДА ҚИРНІНДИНИДАРДА ОЛДЫРДА МИНИХОДАДАРДА
ХАФТАДАРДА ТАРТИНДАДА БА МИНИХОДАДАРДА САХФАДА БА МЫЛДАДА ОЛДЫРДА
ХАФТАДАРДА АНАК ҚЫПСАРДА 36ДОНДА ҚИРНІНДИНИДАРДА ОЛДЫРДА МИНИХОДАДАРДА
ХАФТАДАРДА АНАК ҚЫПСАРДА 36ДОНДА ҚИРНІНДИНИДАРДА ОЛДЫРДА МИНИХОДАДАРДА

d) МИНИХОДАДА ТАПТЫНДАРДА

7. КЕДДИНТ-МОДДЫН ТИСМЕДДА МИНИХОДАДА



оширилади. «Registrar office» университетдаги ўзига хос бўлинма хисобланиб у университет талабаларни ўқишга кабул қилинган кунларидан бошлаб токи улар ўқишни битиргунга қадар уларга ўқиш жараёни билан боғлиқ барча маъмурий масалаларда тўғридан-тўғри хизмат кўрсатувчи марказлашган маъмурий тузилмадир. Айрим олий таълим ташкилотларида ушбу тузилмани яна «талабалар хизмати» (Student services), «талабалар хизмати нуктаси» (student service point) деб ҳам аташади.¹

Регистрар офисни бошқача килиб айтганда олий таълим ташкилотининг «ягона дарчаси» дейиш мумкин. Ҳозирги кунда мамлакатимиз хукумати томонидан аҳоли билан ишлашда ягона дарча амалиёти қанча кулайлик ва ижобий натижалар олиб келган бўлса, ОТТларда ҳам регистрар офисни ташкил этилишидан ҳам шундай натижалар кутиш мумкин. Яъни регистрар офис, ОТТнинг асосий хизматларини талабаларга бир жойдан туриб тезкор, самарали ва шаффофф тарзда амалга ошириш имкониятини яратади.

Регистрар офис оркали талабаларга куйидаги хизматлар амалга оширилади:

¹ «Халк сўзи» газетаси. Кредит-модуль тизими талабаларга хизмат кўрсатиша кандай кулайликларни яратадиг ёхуд «регистратор офис» имкониятлари 2020 йил 27 октябрь, № 226 (7728).

- Бўлғуси талабалар ва уларнинг яқинларига ОТТдаги дастурлар хакида маълумот бериш (Orientations);
- Ўқишига қабул қилинган талабаларни қайд этиш (Enrollments);
- Ўқув дастуридаги ўқув йили ёки семестр фанларига рўйхатдан ўтказиш (Course registrations);
- Талабаларнинг фанлар бўйича баҳо ва кредитларини қайд килиш ва ўтказиш (Grade registration);
Талабаларга ўқиш жойидан маълумотномалар бериш (Confirmation letters);
- Талабаларга битирув дипломи ва диплом иловаларини тақдим этиш (Transcripts and Diplomas);
- Талабалар учун стипендия ва молиявий ёрдам кўрсатиш (Processing financial aid applications);
- Талабаларнинг ўқиш шартнома тўловларини қабул қилади (Processing tuition fee payments);
- Университет академик календарини ишлаб чикишии мувофикалаштириш (development of academic calendars);
- Университет дастур каталогларини ишлаб чикиш жараёнини мувофикалаштириш (overseeing course catalogue development);
- Талабалар ва ўқув дастурлари бўйича статистик маълумотларии юритиш ва шаффоф тарзда чоп этиш.¹

Хуллас, регистрар офисга талабалар юкорида белгиланган барча масалалар бўйича мурожаат қилади. Кўриб турганигиздек, регистрар офис тизими мавжуд ОТТларда талабалар университет раҳбарияти ёки факультет деканини қабулига ҳар хил маъмурий саволлар билан мурожаат қилишларига ҳожат колмайди. Деканат хам ўзининг энг мухим вазифалари билан шугулланишга имконияти бўлади. Бу тизимда талаба хам университетда ўз ўқиши билан

¹ «Народное слово». Время на учебу, а не волокиту, связанную с административными проблемами. 22 октября 2020 года, № 122 (7693)

боғлиқ масалаларда асосан дарс аудиториялари, кутубхона ва регистрар оғисдан бошқа жойга мурожаат қилишгә эхтиёж қолмайды. Улар деканат, маркетинг бўлими ёки бошқа бўлимларнинг эшиги ёнида кутиб вақт ва асабларини увол қўлмайдилар. Ҳозирда эса биргина деканат мисолида оладиган бўлсак айнан талабалар билан ишлаш учун маъсул ходимларинг ажратилмаганлиги, бу каби мурожаатларни одатда деканатда фаолият юритаётган котибалар бўш вактларида амалга оширадилар. Бу тизим яна ОТТда майда коррупция элементларини шаклланишига ҳам сабаб бўлади.

Регистрар офис АҚШ, Канада ва Европанинг деярли барча университет, коллеж ва баъзи ҳолатларда эса мактабларида ҳам ташкил этилган. Америка ва Англия ОТТларида бу бўлим даставвал талабалар баҳоларини ягона жойда саклаш ва уни тартибга солиш мақсадида очилган бўлса, кейинчалик унинг вазифалари кенгайтирилган.

Регистрар оғиси жойлашуви қулай, бир пайтии ўзида бир нечта талабаларга хизмат кўрсата оладиган шароитларга эга бўлган бинода ажратилган бўлиши керак. Бундан ташқари унда электрон тизим интеграциялашуви жуда яхши йўлга қўйилган бўлиши керак. Чунки талабалар мурожаатлари асосан электрон тарзда ҳал этилади.

Бундан ташқари кўпгина ОТТларида ҳалигача талабалар баҳоларини рейтинг дафтарчаси ёки рус тилида «зачётка» да қайд этиб бориш тизими мавжуд. Аслида талаба ўзи онлайн режимда ўз академик карьерасини кузатиб борадигаи ягона электрон база бўлиши зарур. Европа, Америка ва Осиёning кўплаб ривожланган мамлакатларида бу ишлар ягона марказлашган бўлим томонидан амалга оширилади. Яхши университет деганда ўзининг кучли профессор ўқитувчилари билаи бирга таълимий тўғри йўлга қўйиш, талабаларга яратилган қулайликлар ҳам назарда тутилади.

Регистрар оғиснинг вазифаларнни кўйида янада батафсил ёритадиган бўлса улар қўйидагича:

► **Student Enrollment** – Кириш имтихонлари натижасига кўра талабаликка тавсия қилинган абитуриентларни ҳужжатларини қабул қилиш, тўлов-шартнома қофозини бериш, уларни гурухларга ажратиш ва улар ҳақида тўлиқ маълумотлар базасини шакллантириш.

- ➔ **Student registration** – Янги қабул қилинган талабаларни университет ўқув портали(moodle)га киритиш ва уларга ID рақам, ID карта, талабалик гувоҳномаси бериш.
- ➔ **Course registration** – Университет ўқув порталаидаги ўқитувчи ва талабаларнинг ўзаро мулоқот ойнасини шакллантириши. Бунда ҳар бир талабага ўзи танлаган файлар иоми ва ўқитувчиси ҳақида маълумот берилади ва ҳар бир фан ўқитувчиси ўзи дарс ўтадиган фанга ёзилгай талабалар ҳақида маълумотга эга булади. Регистрарофиснинг вазифаси шу маълумотларни ҳар бир ўқув йили бошида янгилаб боришдан иборат.
- ➔ **Transfer and restarting** – Ўқишини кўчириш ва қайта тиклаш билан боғлиқ ишларни амалга ошириш.
- ➔ **Timetable** – Барча талабалар учун дарс жадвалини тузиб чиқиш ва ўқув портали орқали ўқитувчи ва талабаларга етказиш.
- ➔ **Exam timetable** – Имтиҳонлар жадвалини тузиш ва эълон килиш.
- ➔ **Exam registration** – Талабаларнииг имтиҳонларга олдиндан рўйхатдан ўтишини таъмилаш ва бу билан боғлиқ муаммоларни ҳал этиш.
- ➔ **Academic records registration** – талабаларнииг баҳо ва рейтинги умумий маълумотлар базасини шакллантириш.
- ➔ **Timetable** – Барча талабалар учун дарс жадвалини тузиб чиқиш ва ўқув портали орқали ўқитувчи ва талабаларга етказиш.
- ➔ **Reference letters** – Талабаларга турли хил маълумотномалар бериш(ўзбек, инглиз, рус тилларида).
- ➔ **Tuition fee** – Тўлов шартнома пулинни амалга ошириш учун зарур бўладиган ҳужжатлар бериш;
- ➔ **Dormitory** – ТТЖ га жойлашиш билан боғлиқ масалалар;
- ➔ **Other issues** – Бошқа масалаларда талабаларга ёрдам бериш;
- ➔ **Халқаро ишлар;**
- ➔ **Incoming students** – Университеттага таҳсил олиш учун келгай чөл эллик талабалар билан ишлаш (виза, рўйхатга олиш, дарс-

- ларда иштирок этиш билан боғлиқ ҳар қандай масалаларда ёрдам бериш).
- **Outgoing students** – хорижий ОТТда таҳсил олиш учун кетадиган талабалар билан ишлаш.

Қисқача қилиб айтадиган бўлсак, ОТТларда регистрар офисни ташкил этилиши университет таълим жараёнини маъмурий бошқариш тизимини янада шаффофлашувига, талабалар мурожаатларини тезкор ва сифатли кўриб чиқилишига ҳизмат қиласди. Токи талабанинг ОТТга киришдан асосий мақсади бу билим олиш. Шундай экан, унинг вақти маъмурий муаммолар билан боғлиқ оворагарчиликларга сарф бўлмаслиги керак.

9. КРЕДИТ-МОДУЛЬ ТИЗИМИГА ЎТИШГА ТААЛЛУҚЛИ АЙРИМ МАСАЛАЛАР

ОТТларнинг кредит-модуль тизимиға ўтиши олий таълим соҳасида бир қанча мухим масалалар ҳақида ҳам бош қотиришни талаб этади. Булардан энг асосийлари: а) ОТТлар академик эркинлиги, б) профессор-ўқитувчиларнинг ўқув юкламалари ҳисоблаш масалаларидир. Бу масалалар чукур таҳлилларга муҳтожлиги туфайли уларни ушбу материалда тўлиқ муҳокама қилишнинг имконияти йўқ. Шунинг учун ҳозирча қўйида бу мавзуларга доир назаримизда энг мухим бўлган саволларни ўртага ташлаш билан чекланамиз.

А) КРЕДИТ-МОДУЛЬ ТИЗИМИДА ОТТЛАР АКАДЕМИК ЭРКИНЛИГИ

Юкорида тасвирлаганимиздек, ECTS кредит-модуль тизими ОТТ ўқув дастурлари ва ўқув режаларини ишлаб чиқиш тизими ва тартибини қайтадан кўриб чиқишни тақозо этади. ОТТлар эндилиқда ўз ўқув дастурлари ва ўқув режаларини меҳнат бозори талаблари, иш берувчилар эҳтиёжлари ва талабалар қизиқишлирага мос равишда ишлаб чиқишига тўғри келади. Бу дегани ҳар бир ОТТ ўз ўқув дастурларини, ўқув режаларини ўзлари мустақил ишлаб чиқишилирага тўғри келади.

Кредит-модуль тизими яна ОТТлар ўртасида ҳақиқий рақобағ мұхити шаклланишини тақозо этади. Рақобат мұхити қачон шаклланади? Қачонки ОТТлари ўз ўкув дастурлари таркиби ва уларниң сифати нүктай назаридан бошқа шу каби дастурлардан афзаллигини күрсата олса. Лекин ОТТлар ушбу вазифаларнинг ҳеч қайси бири-ни эркинликсиз амалга ошира олмайдылар. *Шундай экан ОТТлар академик эркинлиги бу кредит-модуль тизимиға ўтишининг, умумий олганда олий таълим тизимини ривожланишининг энг зарур шартларидан бириди.*

Амалда ОТТлар ҳатто дарсни қандай ташкил қилиш масаласини ҳам ўzlари белгилаш ҳуқуқига эга әмас десек түғри бўлади. Масалан Олий ва ўрта маҳсус таълим вазирининг 2018 йил 10-сентябрдаги 20-2018-сонли буйруғи 2-боб, 8-бандида ОТТда маъруза машғулотлари одатда илмий унвон ва илмий даражага эга бўлган профессор-ўқитувчилар томонидан ўтказилиши кераклиги белгиланган. ОТТда дарсларни қатъий равишда икки турга яъни маъруза ва семинар дарсларига бўлиб, уларниң ҳар бирини айнан кимлар томонидан ўтилиши кераклигигача вазирлик томонидан белгилаб қўйилиши қай даражада түғри? Бир фан бўйича маърузаларни бир даражадаги ўқитувчи, семинарларни эса бошқа даражадаги ўқитувчилар ўтиши амалиёти яна қайси давлатлар тажрибасида мавжуд? Биз бу амалиётни ўзимиз билган ривожланган давлатларнинг ҳеч бирида кузатмадик. Дарсларни ташкил этиш услублари факат маъруза ва семинардан нборатми? Нима учун ОТТлар дарсларни ташкил қилиш каби оддий масалаларни ҳам ўzlари ҳал қилиш ҳуқуқига эга әмас? ОТТлар устидан бу даражадаги назорат ва чекловлар ва ишоичсизликлар нима учун керак? Энг мұхими, бу амалиёт ўз самарасини бераяптими? Афсуски иатижаларга қараб туриб бу саволга «ҳа» жавоби бера олмаймиз.

Қисқача айтганда хозирда ОТТлар том маънодаги кредит-модуль тизими тамойиллари асосида фаолият юритиш даражасида академик эркинликка эгами? Хусусан улар ўз ўкув дастурларини, ўкув режаларини ташки аралашувларсиз факат мутахассислик квалификация талаблари, меҳнат бозори эҳтиёжлари ва талабалар

Ўқитувчининг умумий ўкув юкламасини икки стандартда ўлчаш айрим салбий оқибатларга сабаб бўлиши мумкин.

Бундан ташқари 2020–2021 ўкув йилида кредит-модуль тизимиға мамлакатдаги маҳаллий ОТТларнинг тахминан 1/3 қисмигина ўтиши режалаштирилган. Бунда маҳаллий ОТТларнинг тахминан 2/3 қисми бу тизимга келгуси йилларда ўтишлари режалаштирилган. Бу жараёнда ушбу икки гуруҳдаги ОТТлар ўқитувчилари ўкув юкламалари 2 хил стандартда ўлчаниши ҳам бу ОТТлар ва уларнинг ўқитувчилари ўртасида тенгсизликларга сабаб бўлиши мумкин. Шуинг учун кредит-модуль тизимида профессор-ўқитувчиларнинг иш юкламалари мавзуси ҳам чукурроқ таҳлилларни талаб этади ва бу мавзуни ҳам келажақдаги лойиҳаларимизнинг бири сифатида қолдиришга қарор қилдик.

Лекии бир нарса аниқ: профессор-ўқитувчиларнииг иш юкламаларини белгиловчи амалдаги тартиб (Олий ва ўрта маҳсус таълим вазирлигининг 20-2018-сонли бўйруги) ОТТларда таълим сифати яхшиланишига, ОТТ илмий салоҳияти кўтарилишига ва ўқитувчилар ўз устларида етарлича ишлашга хизмат қилмайди. Аксинча, ушбу қоидаларни ўқиб туриб мазкур тартиб ОТТларда таълим сифати ҳали ҳам паст ҳолатда қолаётганлигига, ОТТлар илмий тадқиқот кўрсаткичлари пастлигига асосий сабаблардан бири сифатида тахмин килишимиз мумкин. Шуинг учун бу тартиб имкои қадар тезроқ қайта кўриб чиқилишини тавсия қиласиз.

10. ХУЛОСА

Хулоса ўрнида шуни айтишимиз мумкинки, мамлакатимиз ОТТларида кредит-модуль тизимиға ўтилиши бу муайян миқдордаги кредитларни йил, семестр ва файлар бўйича тақсимлаб кўйишнинг ўзидан иборат эмас. Афсуски, хозирда айрим ОТТлар кредит-модуль тизимиға ўтишни шудай тушунишмоқда.

Юқорида таъкидлаганимиздек кредит-модуль тизимиға ўтиш ОТТлар ўкув дастурларини яратишдан бошлаб, ўқитувчиларнинг ўз дарсларини ташкил қилиши бўйича янгича ёндашувларни талаб

қилади. Агар кредит-модуль тизими тұғри ва тұлиқлигича жорий этилса, у мамлакатимиз олий таълим тизимига жуда катта ижобий хусусияттарни олиб кириши мүмкін. Жумладан, у мамлакатимиз олий таълим тизимига таълимнинг жаҳон тан олган мұкаммал үлчов бирлигининг олиб кирилиши, ОТТлар үқув дастурларида мувоза-нат ва мөшер пайдо бўлиши, ОТТларда үкиш жараённинг шаффофф тарзда ташкил этилиши, үқув дастурлари иқтисодиёт, меҳнат бозори ва талабалар эҳтиёжлари асосида шаклланиши, дарсларнинг сифати яхшиланиши ва ниҳоят ҳар бир талаба, маълум маънода ўзининг мустакил үқув дастурига эга бўлишига хизмат қилади.

Агар маҳаллий ОТТлар кредит-модуль тизимига ўтсалар-да, лекин юқоридаги мақсадларга эриша олмасалар ёки эришишга ҳаракат килмасалар, унда ОТТлар кредит-модуль тизимига том маънода ўтган ҳисобланмайдилар.

11. ТАВСИЯЛАР

ДАВЛАТ МУТАСАДДИ ТАШКИЛОТЛАРИГА:

1) Мамлакатда ECTS ва шу каби бошқа кредит-модуль тизими асосида фаолият юритаётган ОТТларда талаба олий таълимнинг ҳар бир босқичини (бакалавриат, магистратура) қўлга киритиш учун жамғариши зарур бўлган кредитлар сонини қонун ёки қонуности хужжатлари билан белгилаб қўйилиши тавсия этилади. Бу тартиб тобора эркинлашиб бораётган мамлакат олий таълим соҳасида турли сунистеъмолчиликни (қисқа муддатли бакалавриат, магистратура дастурлари пайдо бўлишини) олдии олишга хизмат қилади.

2) Ҳар бир ECTS кредитига бириктирилган үкиш юкламаси соатлари доирасини қонун ёки қонуности хужжатлари билан белгилаб қўйиш тавсия этилади. ECTS тамойилларига кўра, бу доира 25–30 соатни ташкил этади.

3) Ҳар бир ОТТ ўзининг кредит-модуль тизими амалиётига оид қоидаларни қабул қилиши ва уларни шаффофф тарзда ОТТ ўқитувчиларига, талабаларига ва бошқа манбаатдор томонларга

етказилиши зарурлиги қонун ёки қонуности ҳужжатлари билан белгилаб қўйиш тавсия этилади.

4) ОТТларда қўлланиладиган амалдаги баҳолаш тизими, мезонлари ва шкаласини ислоҳ қилиш ва уларни жаҳондаги энг илғор баҳолаш тизимларига яқинлаштириш тавсия этилади. Амалдаги баҳолаш тизимида ижобий баҳолар сони анча чекланганлиги туфайли баҳолар талабаларининг билим ва салоҳиятларидаги фарқларни етарли даражада акс эттирмайди. Масалан амалдаги баҳолаш шкаласида бор йўғи 3 та ижобий баҳолар мавжуд (3, 4, 5), ECTS тизимида эса 5 та, Америка баҳолаш тизимида эса 12 та ижобий баҳолар мавжуд. Баҳолаш амалиётидаги бу катта фарқлар баҳолар конвертациясида иоаниқликлар ва хатолар бўлиши эҳтимолии кучайтиради.

5) Кредит-модуль тизимига ўтиш муносабати билан амалдаги қонун, қонуности ҳужжатлари, Олий таълим Вазирлиги қарор ва иизомларни қайта кўриб чиқилиши ва уларга тегишли ўзгартишлар киритилиши тавсия этилади.

ОТТЛАРГА ТАВСИЯЛАР:

6) Кредит-модуль тизимида фаолият юритаётган ҳар бир ОТТ ўзининг ҳар бир ўқув дастуриининг (бакалавриат, магистратура) ўқиш натижаларини белгилаб олиши, дастур каталогини ишлаб чиқиш ва уларни ҳар ўқув йили бошида ўз веб сахифасига шаффоғ тарзда жойлаштириш тавсия этилади. Зеро ECTS кредит- модуль тизимида бу материалларни тайёрлашдаи қўзланган асосий мақсад бу уларни талабалар эътиборига ҳавола этишdir.

7) ОТТ ўз ўқув дастурини, унинг ўқиш натижаларини ишлаб чиқишида биз талабаларга иималарни ўргатишни хоҳлаймиз деган нұктаи назар билан эмас, балки талабалар биздан нималарни ўрганишни хоҳлайди ва улар ўз мутахассисликларига муносиб кадр бўлиб етишишлари учун нималарни билиши ва қила олиши керак деган нұктаи назар билан ёндашиш тавсия этилади. Яъни ОТТлар ўз олдиларига «биз талабаларга нима беришни хоҳлаймиз ва иима бердик» эмас, балки «талабалар биздан нима олишни хоҳлайди ва нима олди» деган саволларни қўйишлари керак. Чунки ОТТлар

талабага берган нарса талабалар хоҳлаган, уларга керакли нарса бўймаслиги мумкин.

8) Ҳар бир ОТТ кредит-модуль тизимининг энг асосий жиҳатларини қамраб олувчи ички қоидаларини ишлаб чиқиши ва уларни ўз веб саҳифаларига жойлаштириши тавсия этилади. Кредит-модуль тизими қоидалари қуидаги асосий масалаларни қамраб олиши мақсадга мувофиқ: (а) ҳар бир кредит учун бириклирлган ўқиш юкламаси соатлари микдори; (б) ундаги аудитория ва мустақил соатлар нисбати; (с) ҳар бир модулга тақсимланиши мумкин бўлга минимал кредитлар микдори; (д) талаба курсдан-курсга ўтиш учун зарур бўлган минимал кредитлар микдори; (е) талаба қайси ҳолларда фанни қайта олиши кераклиги тўғрисидаги қоидалар; (ж) талаба ўқишни тугатиши зарур бўлган максимал вакт; (з) ҳар бир ўкув дастури бўйича ҳар бир курсда олиниши зарур бўлга мажбурий файлар рўйхати.

9) Ҳар бир фан бўйича фан дастури «силлабус» тайёрлаш ва унинг энг зарур қисмлари ҳакида белгилаб қўйиш. Фан дастурларини талабага кечи билан ўқиш бошлангандан сўнг 1 ҳафта ичida тақдим этилишини ОТТ ички қоидаларида белгилаб қўйиш тавсия этилади.

10) Ҳар бир ОТТ ўз ўкув дастуридаги фан ва модулларни тегишли маълумотларни ўзида камраб олган тарзда кодлаш қоидаларини ишлаб чиқиши ва шулар асосида фанларни тегишли тартибда кодлаштириш тавсия этилади.

11) Ҳар бир ОТТ кредит-модуль тизими (талабалар регистрацияси, баҳоларни қайд этиш ва юбориш, тегишли маълумотларни сақлаш) бошкарувчи онлайн платформасига эга бўлиши.

12) Ўкув дастурида, айникса юқори курсларда, танлов фанлари доирасини кенгайтириш. Танлов фанлари касбий соҳасига оид, маҳсус билим ва кўнкмани шакллантиришга йўналтирувчи фанлар бўлиши зарур.

13) Талабаларга ўз ўкув дастурларини шакллантиришда маслаҳатлар берувчи академик маслаҳатчи лавозимиини ташкил этиш.

14) Янги қабул килинган талабалар ва ўқитувчилар учун кредит-модуль тизими ишлаш механизми ва талаблари бўйича тренинглар ўтказиш.

ОТТЛАР ЎҚИТУВЧИЛАРИГА ТАВСИЯЛАР:

15) Ўқитувчилар ўзлари ўқитаётган ҳар бир фаннинг ўқиш натижаларини олдиндан белгилаб олишлари ва уларни семестр бошида талабаларга тушунтиришлари тавсия этилади. Бунда асосий эътибор талаба фан сўнгида унинг натижаси ўларок мутахассис сифатида нималарии билади, тушунади ва қила олади деган саволга қаратилади. Фаннинг ўқиш юкламалари талабалар айнан шу ўқиш натижаларига эришишга қаратилади. Фаннинг баҳолаш услугуб ва мезонлари эса талабалар айнан шу ўқиш натижаларига эришгани-эришмаганлигини текширишга қаратилади.

16) Таълим беришнинг фаол (лойихаларга асосланган таълим, муаммони таҳлил қилиш, муаммога танқидий ёндашув, танқид қилиш, мунозараға кириш, жамоада ишлаш, тақдимот қилиш) усулларидан кўпроқ фойдаланиш тавсия этилади. Ёдингизда бўлсин маъруза билим олишнинг энг қадими, энг нофаол, талабаларнинг ёдидан тез кўтариладиган усулларидан биридир. Зеро ECTS кредит-модуль тизимнинг асосий мақсадларидан бири талаба фан сўнгида унда кўлга киритган билим ва нималар асосида нималарнидир қила олишига эришиш. Бу мақсадга асосан таълим беришнинг факат фаол усуллари билан эришиш мумкин. Умумий қилиб айтганда, дарс ва имтиҳонлар талабаларният хотирасини ривожлантиришга ёки текширишга эмас, балки уларда соҳага оид билим, кўникма ва маҳоратларни шакллантиришга қаратилиши тавсия этилади.

12. ФОЙДАЛАНИЛГАН АДАБИЁТЛАР

1. Ўзбекистон Республикаси Президентининг 2019 йил 8 октябрдаги ПФ-5847-сон билан тасдиқланган «Ўзбекистон Республикаси олий таълим тизимини 2030 йилгача ривожлантириш концепцияси», 1-иловаси, 9-байди.

2. Ўзбекистон Республикаси Олий ва ўрга маҳсус таълим вазирининг 2020 йил 30 июндаги 357-сонли бўйруғи, 1-илова.

3. 2015 European Credit Transfer and Accumulation System (ECTS) User's Guide, a Joint Project by the European Higher Education Area, the Bologna

12. ФОЙДАЛАНИЛГАН АДАБИЁТЛАР

Process and European Commission in 2015. Европа Кредитларни Күчириш ва Жамғарып Бориш Тизими бүйича Фойдаланувчига Күлланма (ECTS). Бу күлланма ECTS кредит-модуль.

4. European Commission ECTS Guide of 2004. Available at https://www.uc.pt/ge3s/pasta_docs/ects-users-guide170804.pdf

5. European Cuommision ECTS Guide of 2009. Available at https://ec.europa.eu/education/ects/users-guide/docs/year-2009/ects-users-guide-2009_en.pdf

6. European Commission ECTS Guide of 2015. Available at https://ec.europa.eu/education/ects/users-guide/docs/ects-users-guide_en.pdf

7. Robert Wagenaar, A History of ECTS, 1989-2019. Developing a World Standard for Credit Transfer and Accumulation in Higher Education. International Tuning Academy, 2020. Available at https://www.rug.nl/research/portal/files/111591811/A_History_of_ECTS_1989_2019_PDF.pdf

8. Jessica Shedd (2003), «The History of the Student Credit Hour». New Directions for Higher Education. 122 (Summer) (122): 5–12.

9. Resolution of The Council and of the Ministers of Education, Meeting within the Council, Official Journal of the European Communities, 1976.

10. «Халқ сұзи» газетаси. Кредит-модуль тизимиға ўтиш нима учун керак? 2020 йил 5 август, № 163 (7665).

11. «Народное слово». Время на учебу, а не волокиту, связанную с административными проблемами. 22 октября 2020 года, № 122 (7693)

12. «Правда Востока». Кадры решают все: иовые подходы в системе образования. 16 октября 2020 года, № 216 (29446).

13. «Халқ сұзи» газетаси. Кредит-модуль тизими талабаларга хизмат күрсатында қандай кулайліккларни яратади ёхуд «регистратор офис» имкониятлари 2020 йил 27 октябрь, № 226 (7728).



В.ҮРИНОВ, М.СУЛТОНОВ, А.УМАРОВ

**ЎЗБЕКИСТОН РЕСПУБЛИКАСИ
ОЛИЙ ТАЪЛИМ ТАШКИЛОТЛАРИДА
ECTS КРЕДИТ-МОДУЛЬ ТИЗИМИ:**

← АСОСИЙ ТУШУНЧА ВА ҚОИДАЛАР →

Toшкент – «Маънавият» – 2020

Мұхаррир С.Холбеков
Мусаххих Ҳ.Аҳмедова
Мусаввир С.Шуҳрат
Компьютерда тайёрловчи Ш. Соҳибов

Лицензия АI №189, 10.05.2011 йилда берилған.
Босишига 18.04.2019 йилда рухсат этилди. Бичими 60x84 $\frac{1}{16}$. Таймс гарнитураси.
Офсет босма усулида босилди. Шартлн б. т. 6,0. Нашр т. 5,2.
300 нусха. Буюртма № 20-66. Нархи шартнома асосида.

«Маънавият» нашриётидаги чоп этилди. 100047. Тошкент,
Тараккиёт 2-берккүча, 2-үй. Шартнома № 26-20.



ВОХИД ЎРИНОВ,
PhD (McGill), Канаданинг Нью Брансвик
Университети ассошийт профессори,
“Эл-юрт умиди” жамгармаси ҳузуридаги
Халқаро эксперталар кенгаши аъзоси

СУЛТАНОВ МАНСУРБЕК,
PHD, Тошкет давлат иқтисодиёт
университети “Таълимни кредит
тизимини бошқариш” бўлими
бошлиғи

АЗИЗЖОН УМАРОВ,
MA, Кўқон университети
масъул ходими



ISBN 978-9943-04-404-3



9 789943 044043

Манасорат